

光緒江西通志

江西通志卷九十六

前事略一

武功二

元

至元十六年己卯春二月敕贛州造戰船以征日本夏四

月以江州隸黃蘄路宣慰司豫章書云十六年遷江西宣慰使

會饒州盜起犯都昌宏略以為饒雖屬江東與南康止隔一湖此寇不滅則吾境必有相煽而起者乃使人直

持巢穴生縛賊首磔於市餘黨潰散下令曰不操兵者皆為平民餘無所問

十七年庚辰夏四月南康杜可用叛命史弼討擒之元史本紀

二十年癸未春二月令隆興行省遣軍護送占城糧船時

占城夏六月以征日本民間騷動盜賊竊發呼圖克特穆

爾孟古岱乞益兵禦寇詔以江州軍付之元史本紀云

二十年江西行省命託羅該徹爾討武甯叛賊
董琦平之改授虎符江州萬戶府達魯噶齊

二十一年甲申春二月以江西叛寇妻子賜鷹坊養虎者

瑞州獲叛民晏順等三十二人并妻孥送京師征占城

船不足命江西省益之三月置贛吉撫建昌戍兵夏五

月樞密院臣言索多潰軍已令李恆收集江西潰軍別

遣使招諭凡至者皆給糧舟楫損者修之以俟阿爾哈

雅調用從之冬十一月江西行省參政頁特密實獲海

盜黎德及招降餘黨百三十三人即其地誅黎德以德

弟黎浩及偽招討吳興等檻送京師

元史本紀

二十三年丙戌春二月命江西行省兵伐交趾

元史本紀

傳云初授明威將軍二十三年移鎮饒州安仁剿賊

蔡福一叛秉節與有司會兵討之擒福一餘黨悉平

二十四年丁亥春正月詔發江西南蒙古漢兵征交趾冬十

月江西行院頁特密實

原作月的迷失

言廣東窮邊險遠江西

福建諸寇出沒之所乞令江南諸省分軍一萬益臣詔

江西呼圖克特穆爾

原作忽都帖木兒

以軍五千付之十一月

以江西平章呼圖克特穆爾捕廣東寇

豫章書

元史

十四年贛汀盜起如德指揮討平之脅從者多所全宥

二十五年

戊子

夏四月廣東賊董賢舉等七人皆稱大老

聚眾反剽掠吉贛瑞撫龍興南安韶雄汀諸郡連歲擊

之不能平江西行樞密院副使頁特密實請益兵行省

平章呼圖克特穆爾亦以地廣兵寡爲言詔江淮省分

萬戶一軍詣江西俟賊平還翼秋七月以連歲盜起免

南安瑞贛三路逋稅頁特密實上言近以盜起廣東分

江西江淮福建三省兵萬人令臣將之討賊臣願萬人

內得蒙古軍三百并臣所籍降戶萬人置萬戶府以蘇

默格爾爲達嚕噶齊佩虎符詔許之

元史本紀

二十六年

丑

春正月以荆湖占城省左丞唐古特副諸

達呼圖克爲蒙古都萬戶統兵會江淮福建二省及賈
特密實兵討盜於江西鍾明亮寇贛州掠甯都據秀嶺
詔發江淮省及鄰郡戍兵五千遷江西省參政管如德
爲左丞將兵往討二月命福建行省貝降江西行院賈
特密實江淮行省孟古岱合兵擊賊江西夏五月鍾明
亮率眾來降江淮福建江西三省所抽軍各還本翼秋
七月誅信州叛賊鮑惠日等三十三人閏十月鍾明亮
復反江羅等及韶雄諸賊應之聲勢張甚詔賈特密實
復與福建江西省合兵討之且諭旨賈特密實鍾明亮

既降朕令遣赴闕而汝玩常不發致有是變自今降賊其卽遣之湖廣省臣言近招降贛州賊胡海等令將其

眾屯田自給今過耕時不恤之恐生變命贛州路發米

千八百九十石振之

元史本紀建參知政事

續綱目云夏四月福

燕不屈死之

陳邦瞻元史紀事云冬十月頁特密實以邱應祥董賢舉歸京師鍾明亮復反

二十七年

庚寅

春二月江西諸郡盜未平詔江淮行省分

兵一千益之江西羣盜鍾明亮等復降詔徙爲首者至

京餘黨給糧江西賊華大老黃大老等掠樂昌諸郡行

樞密院討平之三月建昌賊邱元等稱大老集眾千餘

人掠南豐諸郡建昌副萬戶擒斬之以建昌路廣昌縣

經鍾明亮之亂免其田租九千四百四十七石良五月

江西行省管如德江西行院頁特密實合兵討反寇鍾

明亮初明亮降詔縛致闕下如德等留不遣明亮復率

眾寇贛州樞密院以如德等違詔縱賊請詰之詔罷江

西行樞密院移江西行省於吉州以便捕盜以烏拉岱

原作外刺帶為左丞江西行省言吉贛湖南廣東福建以禁

弓矢賊益發乞依內郡例許尉兵持弓矢從之六月別

給江西行省印以便分省討賊從江西行省請發各省

戍兵討賊秋八月以南安贛建昌豐州羅明亮之亂悉

免田租元史本紀劉國傑傳云二十七年江西盜起

諫曰此他省盜也國傑曰縱寇生患患將難圖豈可以

彼此言邪乃選輕兵棄旗鼓去纓飾一日夜趨賊境賊

眾數千逆戰望見軍容不整曰此鄉丁也易之國傑以

數十騎陷陣眾從之賊大敗斬首五百餘級奪所掠男

女日暮忽收兵去堡中民望見怪之莫知其誰明日又

忽至召堡民歸其男子曰吾劉二巴圖也盜鍾太僚居

南安十八萬國傑乘霧突入其巢賊眾驚亂自相踐踰

官軍搏之自旦至午擒殺甚眾還兵桂東二月龍泉盜

復寇鄱縣國傑至賊退保大井山乘大雨盡掩殺之
劉璠平寇碑云至元戊子畚寇鍾明亮起臨汀有旨遣
討輒僞降以款我師明年邱元起廣昌與明亮犄角遂
及南豐勢張甚又明年春賊大至陣河田九陂又陣小
萊遂犯州州南門瞰江賊乘橋攻門城戍單弱乃斷橋
以拒適雨暴江漲賊引退焚戮邨落無虛日參政李世
安率諸將擣邱元之巢殲其渠邱
元敗而明亮孤不數日賊悉平

二十九年壬辰春正月江西行省左丞高興言江西連年

盜起百姓入山以避乞降旨招諭復業從之

元史本紀

元貞元年乙未夏五月竄莽果部必舒於江西俾從貞特

密實討賊六月吉贛南安等處蠻寇竊發以軍民官備

禦不嚴撫字不至皆責而降之

元史本紀

二年丙申冬十月贛州盜起江西行省左丞董士選擊平

之綱目續編元史紀事云贛州民劉六十聚眾至萬

左丞董士選請自往進至興國距其營百里命將校分
兵守地悉置激亂之人於法復誅姦民為囊橐者於是

民爭出自效不數日六十就擒餘黨悉散士選遣使奏聞但請黜賊吏數人略不及破賊事時稱其不伐元史元明善傳云董士選升江西左丞辟明善爲省掾會贛州賊劉貴反明善從士選將兵討之擒賊三百人明善議緩誅誤得全活者百三十人將佐白宜多戮以張軍聲明善固爭以爲王者之師恭行天罰小醜陸梁戮其渠魁可爾民何辜焉既又得賊所書贛吉民丁十萬於籍請火之以滅迹二郡遂安

延祐二年乙卯秋七月贛州土賊蔡五九聚眾作亂敕遣

兵捕之八月蔡五九陷汀州甯化縣僭稱王號詔遣江

浙行省平章張律等率兵討之臺臣言蔡五九之變皆

由聶智密鼎經理田糧與郡縣橫加酷暴偪抑至此信

豐一縣撤民廬千九百區夷墓揚骨虛張頃畝流毒居

民乞罷經理及冒括田租制曰可九月蔡五九眾潰伏

誅餘黨悉平敕賞軍士討捕功并官死事者子孫

元史本紀

贛州志云乙卯四月甯都賊蔡五九聚眾兔于寮五

王廟張漢高旗幟殺趙同知圍州城燒四關勢甚猖獗

奏遣張律會江浙兵討之五王廟者邑妖祠也傳設極
魔怪人莫敢側目土人頗傳生口以祭我軍見之畏縮
押鋒王榮叔獨奮義火之三火三滅乃取婦人袈衣繫
神首一火而燬遂平其城石城弓兵宋伏威於木麻坑
擒五九伏誅

五年

戊午

秋七月流諸王伊實於江西

以諸王布琳尼敦之叛不助官軍進

討也

冬十月贛州路零都縣里胥劉景周以有司徵括田

新租聚眾作亂敕免徵新租招諭之

元史本紀

六年

己未

春正月廣東南恩新州獠賊龍郎庚等為寇命

江西行省發兵捕之

元史本紀

泰定二年

乙丑

秋七月海北獠酋盤吉祥寇陽春縣命江

西行省督兵捕之

元史本紀

天歷二年

己巳

春二月調江西兵討四川囊嘉特

元史本紀

至順元年

庚午

夏四月詔江西調兵會討雲南祿余

烏蒙土官

秋七月詔江西建昌萬戶府軍戍廣海者一歲更役來往勞苦仍至元舊制二歲一更九月江西軍征雲南者

人給鈔五錠

元史本紀

二年

辛未

秋七月海南黎賊作亂詔江西湖廣兩省合兵

捕之

元史本紀

元統二年

甲戌

秋九月獠賊陷賀州發江西軍從廣西宣

慰使都元帥章巴延擊之

元史本紀

至元三年

丁丑

春正月廣州增城縣民朱光卿反其黨石

昆山鍾大明率眾從之僞稱大金國改元赤符命指揮

噶札爾及江西行省左丞實迪討之二月廣西獠賊復

反命湖廣行省平章阿海江西行省平章圖魯默色哈

雅總兵捕之夏四月惠州歸善縣民聶秀卿譚景山等

造軍器拜戴中爲定光佛與朱光卿相結爲亂命左丞

實迪收捕秋七月噶札爾實迪擒朱光卿尋追擒石昆

山鍾大明

元史本紀

四年

戊寅

夏六月袁州民周子旺反僭稱周王僞改年號

尋擒獲伏誅漳州路南勝縣民李志甫反圍漳城守將

吹斯戡與戰失利詔江浙行省平章拜布哈總浙閩江

西廣東軍討之

元史本紀

至正六年

丙戌

秋八月命江西行省右丞圖魯

原作禿魯

合江

浙軍討汀賊羅天麟閏十月賊徒羅德用殺羅天麟陳

積萬以首級送官餘黨悉平

元史本紀

七年

丁亥

冬十一月猺賊吳天保陷靖州命威順王庫春

布哈鎮南王博囉布哈及江西湖廣二省以兵討之

元史

本紀

八年戊子萬載妖人彭國玉以白蓮惑眾倡言撒豆成兵

飛茅為劔謀不軌事敗竄入麻城合鄒普勝之眾數萬

以紅巾為號袁州遺事志

十一年辛卯冬十一月江西妖人鄧南二作亂攻瑞州總

管約蘇卜擒斬之元史本紀 大志云蕲黃紅巾蔓延

聚眾往攻瑞州守禦官軍出城迎捕行省遣萬戶章

托音彌隣領兵次烏山夾攻擒獲鄧南二誅之

十二年壬辰春二月徐壽輝蕲州人僭號天完兵陷江州總管李

黼死之遂陷南康路壽輝偽將歐祥陷袁州三月偽將

陶九陷瑞州總管約蘇卜萬戶張岳敗之偽將項普略

陷饒州路遂陷信州以江浙行省左丞相琳沁巴勒為江西行省左丞相領兵收捕饒信賊閏三月壽輝偽將

陳普文陷吉安路鄉民羅明遠起義兵復之以大都留

守諤格實爲江浙行省添設右丞討饒信賊命左丞相

琳沁巴勒以兵守江東西關隘右丞和尼齊與參知政

事托迪討江西賊尋命江西行省右丞諤格實江浙行

省左丞羅羅與桑嘉依布延特穆爾曼濟哈雅同討饒

信等處賊並許以便宜行事夏四月臨川賊鄧忠陷建

昌路宜黃賊塗佑與邵武建甯賊應必達等攻陷邵武

路總管吳阿勒坦布哈以兵討之千戶魏濱計擒塗佑

應必達五月建昌民戴良起鄉兵克復建昌路冬十一

月以桑嘉依原作星吉爲江西行省平章出師湖廣十二月

以信州克復赦誅誤者蠲其夏稅秋糧命有司撫恤其

民元史本紀元史紀事云二月徐壽輝兵攻九江有丞博囉特穆爾方駐兵於江間風宵遁總管李黼微

鄉落聚木石於險處過其歸路黃梅主簿伊蘇特穆爾
願擊賊賊與出戰殺獲二萬餘人黼曰賊不利於陸必
以舟薄我令以長木數千冒鐵錐於抄暗植沿岸水中
賊舟數千艘順流鼓譟而至遇木檣不得動發火箭射
之焚溺無算時東際淮甸西迄荆湖守臣往往棄城遁
黼中外援絕賊進兵薄城分省平章圖沁布往棄城遁
出走黼引兵登陴賊已焚西門張弩射之轉攻東門黼
急往救城已破猶與巷戰力不能敵乃揮劍叱之曰我
我無殺百姓已破猶與巷戰力不能敵乃揮劍叱之曰我
陷饒州執魏中立陷信州執桑嘉依馳赴任比至江東復有
詔令守江州時江平章桑嘉依馳赴任比至江東復有
鹽奪船六百艘軍聲大振進復湖口縣克江州留兵守
之命王惟恭柵小孤山自據番陽口綴葦筏塞上下流火
恢復日久援不至賊眾死且盡獨堅坐不動中流矢而
仆桑嘉依率兵力戰眾死且盡獨堅坐不動中流矢而
仆賊素聞其名不忍害昇至密室蘇羅拜餽食桑嘉依
叱之不通還食七日而死將元史道通傳云塔奇勒布哈
江州遁還布延布哈將兵往江州至石頭渡遇賊戰敗
道通聞之大恐遠懷印通布延布哈還與章巴延定守
城之計後數日道通始歸遂議分門各守以備敵數月
賊眾求圍城城中置各廂官及各巷長晝夕堅守凡兩
月民無離志道通密令萬戶章托音等領死士以夜半
開門伏柵下黎明鉦鼓大震出不意擊賊賊大敗走遂

仲	國	衡	障	益	鄒	寇	之	人	夏	戶	獲	亦	城	行	軍	章	眾	云	丞	沁	黃	琳	乘
昇	出	以	時	卿	既	喻	眾	正	正	與	其	自	中	鎬	雖	巴	水	十	和	巴	陷	沁	勝
等	武	故	阿	熊	敗	謙	數	卿	卿	新	巨	新	接	適	單	延	路	二	尼	勒	饒	巴	擄
率	甯	西	都	天	走	可	百	死	譚	塘	艦	城	勢	臨	弱	郎	來	年	齊	駐	州	勒	其
義	奉	岸	齊	佐	行	屈	自	之	則	主	輜	門	翼	江	幸	中	攻	春	乘	兵	饒	傳	營
兵	新	紅	集	等	省	祥	奉	蕭	賢	羅	重	小	日	楊	民	布	能	新	高	其	之	云	復
接	豐	巾	義	不	屢	喻	新	鄭	等	志	賊	渠	楊	萬	之	延	興	黃	縱	地	屬	十	分
戰	城	中	兵	敢	遣	昇	抵	亦	率	名	不	以	戶	敢	勇	哈	圍	有	擊	招	邑	二	兵
勝	入	不	屯	人	朱	余	新	遁	義	者	能	小	卒	義	者	廉	城	稱	眾	之	安	年	埽
之	南	得	大	惟	千	玉	建	去	兵	立	支	舟	自	兵	赴	訪	五	鄒	遂	不	仁	移	其
維	昌	近	塘	戶	等	等	驛	又	五	千	夕	沙	自	來	義	金	十	元	解	從	與	江	餘
時	境	城	米	領	佐	鄉	普	史	人	擊	之	城	南	援	死	事	日	帥	散	者	龍	西	黨
藩	欲	至	章	兵	之	民	清	鄉	普	擊	之	城	順	省	戰	蘇	時	帥	餘	命	與	行	巴
府	攻	秋	家	討	故	據	者	鄉	擊	之	戰	上	流	臣	老	憐	平	帥	盜	子	接	省	之
雖	城	郭	興	之	家	新	桐	元	戰	之	敗	中	合	命	弱	坦	寧	帥	關	哈	境	左	功
鞏	義	復	國	不	大	賸	元	帥	元	戰	一	戰	下	駐	亦	并	道	胡	之	喇	其	丞	為
固	士	遣	建	能	族	復	帥	季	元	戰	日	蕭	無	城	登	力	通	廣	亦	多	民	相	多
而	黃	其	呂	為	克	滅	立	季	元	戰	日	蕭	無	城	登	力	通	廣	亦	多	民	相	多
四	季	黨	往	郡	義	滅	立	季	元	戰	日	蕭	無	城	登	力	通	廣	亦	多	民	相	多
郊	中	自	來	城	士	滅	立	季	元	戰	日	蕭	無	城	登	力	通	廣	亦	多	民	相	多
皆	劉	興	之	西	夏	盡	土	黃	餘	上	百	屢	兵	與	石	官	左	江	志	志	志	志	志

一二三四五六七八九十

寇壘也豫章書云至正壬辰紅巾賊再陷新昌義士張子忠罵賊而死里人毛忠吾保逍遙山招郭克敬合兵援州治復之撫州志云閏三月紅巾自臨江富州入撫州監郡諤勒哲特穆爾元帥張士謙戰屢捷寇不能入

十三年癸巳夏五月江西左丞相琳沁巴勒江浙左丞羅羅取道自信州元帥韓邦彥哈瑪爾取道由徽州浮梁同復饒州蘄黃賊聞風皆奔潰秋八月資政院使托和齊復江州冬十一月江西右丞和尼齊以兵平富州臨江遂復瑞州是月立義兵千戶水軍千戶所於江西事平願爲民者聽元史本紀瑞州志云右丞和尼齊進兵復瑞擒況普天閣總管彭國王併家屬無少長鬻之民應之者亦戮以徇餘千災祥志云五月知州烏樞復州治七月吳宏復陷餘干

十五年乙未春二月命刑部尙書董銓與江西行省平章和尼齊專征討便宜從事遣使先諭禍福降者釋罪不

則進討冬十一月賊陷饒州路元史本紀 吉安郡志 云十五年袁寇李明陷

福安

十六年申江西廉訪使吳當調檢校章迪率本部兵與

兵部尚書黃昭夾攻撫州勦殺首寇胡志學進兵復崇

仁宜黃於是建撫兩郡悉定元史 列傳

十八年戊戌夏四月陳友諒本姓謝 陽人陷龍興路省臣道通

和尼齊棄城遁友諒遣王奉國陷瑞州路五月友諒陷

吉安撫州秋八月友諒兵陷建昌九月陷贛州路江西

行省參知政事沁布阿咱爾氏姓全及總管噶海齊死之

元史本紀 道通傳云四月友諒復攻江西城時和尼

齊已升平章加營團公專兵柄素與道通不相能見城

且陷夜遁道通亦棄城保撫州追者至道通將迎敵半

渡為賊所乘遂遇害 沁布阿咱爾傳云江西下流諸

郡皆為友諒所據乃與總管噶海齊戮力同守友諒遣

將幸文才率兵圍贛使人脅之降沁布阿咱爾斬其使

援甲拒戰凡四月兵少食盡不能支遂自到死嗚海齊
亦不降見殺 郭鈺悲廬陵詩序云袁兵偏城屯藤橋
丁酉正月廬陵陳璫出屯城北之青湖二月吳都事命
兵校明某下桐江計事不報入蘭溪召不至五月桐江
李彬誅六月袁州兵退秋明某歸以其屬屯太和之永
和十一月明某矯殺騎將林巴延武端不問戊戌正月
全參政兵亂逐鎮撫吳林三月梁太守卒安成兵自去
冬侵掠北境四月復至桐江五月梁太守卒安成兵自去
宜袁雲飛導沔兵至桐江己酉義士劉照與戰於吉水
之灘頭庚戌明某以都事之眾降辛亥傳于城錄事張
元祚與攝監郡雅某降全參政奔贛參謀鄉貢進士吉
水蕭彝翁死之陳璫召安成兵入城六月吳都事將其
屬居吉水之蘆兜此吉安再陷之略也 大志云
陳友諒黨熊天瑞陷贛州遣指揮王興據南安
十九年 己亥 春正月天完將陳友諒陷信州路守臣江東
廉訪副使巴延布哈德濟力戰死之 元史本紀 巴延
月自衛引兵來援遇王奉國城東力戰破走之時鎮南
王子大勝努屯兵城中開門出迎巴延布哈德濟以破
賊自矢後賊復來攻乃命大都閭高義等出南北門為
左右翼自將中軍出西門奮擊入賊營斬首數千級幾
乃破之二月友諒弟友德營城東繞城植木柵攻益急

又造偽萬戶周伯嘉來說降高義潛與之通給呼圖克
作哈等往見奉國皆囚之明日令高義單騎來誘巴延
布哈德濟數其罪斬之由是日夜與賊鏖戰糧竭矢盡
軍民掘鼠羅雀以食而氣不少衰五月大破賊兵六月
奉國親來攻城晝夜不息者踰旬賊穴地百餘所或魚
貫梯城而上麾兵拒之已而士卒力疲不能戰萬戶奎
瑪里以城叛遂陷巴延布哈德濟及太勝努等皆死之
部將蔡誠蔣廣巷戰誠遇害廣為奉國所執罵賊陳於
竿義民陳受為賊燒殺遇害廣為奉國所執罵賊陳於
明擒殺劉世英據崇仁樂安安仁人王溥據金谿友諒
以克明為右丞據撫州元史紀事云初壽輝問友諒
破龍興欲徙都之友諒忌其來不利於己不從至是壽
輝引兵南下江州友諒陽出進伏兵城西既入門閉伏
發盡殺其部曲惟存壽輝以江州為都居之遂自稱漢
王立王府置官屬事權盡歸友諒壽輝
惟擁虛位而已

二十年庚夏六月明兵取信州路元史本紀谷應泰

大海率兵至靈溪城中步騎數千出迎戰擊敗之督兵
攻城眾潰遂克之改信州為廣信府以大海子德濟為
同僉守之七月徐壽輝將浮梁院判于光左丞余椿
擊走偽漢將辛同知取饒州以城來降命鄧愈往鎮之
饒濱鄒陽湖友諒數遣舟師來攻愈與光連營拒之已
而漢將侯邦佐陷浮梁于光單騎來歸九月壽輝舊將

歐普祥以袁州來降友諒遣其弟友仁攻普祥擊敗之

擒友仁友諒懼乃與普祥約和釋友仁歸南安事考

志云二十年龍泉寇彭時中偽號東周據上猶大

二十一年辛丑秋八月明兵取江州路時偽漢陳友諒據

江州為都至是退都武昌九月取建昌饒州二路元史

明史紀事云三月友諒遣其將李明道寇廣信據草

坪平難草遇浙東援兵胡德濟遣夏德潤出兵奪其墩

戰死賊又保玉山胡大海部將繆美聞之來援與賊戰

於東津橋遂復玉山抵廣信絕明道歸路明道圍廣信

急德濟兵少嬰城守遣使求援於父大海大海率師出

靈溪進李文忠亦遣兵援之德濟聞援兵至引兵出城

與大海夾擊明道擒之及其官慰王漢二大海送明道

漢二於文忠建昌守將王溥漢二兄也遂歸附俱送建

康太祖釋而用之征江州南昌用為鄉導八月劉基請

乘安慶去徑拔江州傾其巢穴從之遂率兵西上長驅

過小孤友諒將丁普郎傳友德率所部歸附次湖口友

諒舟出江偵邏擊敗之乘勝至江州友諒以為神兵自

天而下倉猝不能軍挈妻子夜奔武昌師入江州偽漢

江西行省丞相胡廷瑞踰險守南昌遣其部將鄭仁

傑納款且請禁止數事勿散離其所部兵太祖有難色

劉基自後賜所坐胡牀太祖悟許之賜書慰諭廷瑞得

書遣康泰詣九江降漢將餘干吳宏龍泉彭時中吉水
 曾萬中孫本立皆遣使納款命趙德勝廖永忠等分兵
 攻瑞州臨江諸郡鄧愈帥兵襲浮梁侯邦佐棄城遁于
 光進拔樂平敗偽蕭總管擒萬戶彭壽等六十八人饒
 州悉定十月愈駐兵臨川之平塘時友諒將鄧克明據
 撫州佯遣使通款無降意愈知其情掩甲夜趨比旦入
 城克明單騎遁尋被獲大志云十一月康茂才蔡遷
 等敗偽漢八陣指揮遂取瑞昌縣豫章書云八月甲
 申師克浮梁梁平先是元帥王思義克鄱陽之利陽鎮
 擒賊首楊文友戮之遂會僉院鄧愈兵於三洞源議取
 浮梁既而愈兵攻浮梁不下命理問谷繼先院判劉文
 旺率兵往助之至是克浮梁梁友諒總管蕭明率將拒
 走院判于光復攻樂平友諒總管蕭明率將拒戰光擊
 敗之擒其萬戶彭壽等遂克之甲辰克南康以星子縣
 令陳子亨守之九月辛卯偽漢校劉巨川以南豐臨川
 降甲寅克德興王戊王溥遣檢校劉巨川以南豐臨川
 金谿降十一月偽漢右丞鄧克明遣其員外羅天錫以
 分省印及撫州建昌臨江汀州四路南豐甯都富州三
 州樂安臨川等十八縣印詣鄧愈降愈留克明於軍中
 令其弟志明還新淦收其部曲克明請往九江謁見愈
 以兵送之中途逃歸新淦
 明年於龍興城下被執

二十二年
 寅王春正月明兵取江西龍興諸路

元史本紀
 明史紀

事云正月太祖幸南昌胡廷瑞率祝宗康泰等迎謁以
鄧愈為江西行省參知政事鎮南昌時宗泰降非本意
卽欲謀叛廷瑞密以言乃令帥所部從徐達攻武昌二
月太祖率胡廷瑞等還建康祝宗康泰行至女兒港遂
叛道掠布商船為旗反兵劫南昌知府葉琛迎戰死之
鄧愈倉卒以數十騎出走數與賊遇愈窘甚連跨三
馬馬輒踣幾不免最後得養子所乘馬走還建康徐達
聞變旋師赴之宗至新淦為鄧志明所殺泰走廣信以
廷瑞甥特宥之南昌復定太祖聞之喜曰南昌控引荆
越西南之藩屏得南昌去陳氏一臂矣非骨肉重臣不
可守五月命大都督朱文正統元帥趙德勝薛顯同參
政鄧愈鎮之八陣指揮聚眾結黨寨南昌之西山趙德
勝孫興祖攻破之俘斬三千餘人十二月漢將熊天瑞
寇吉安陷之殺守將孫本立友諒使其知院饒鼎臣守
吉安鼎臣剽悍有膽略所至毒害人呼為饒大膽文正
遣兵復吉安鼎臣出走豫章書云正月甯州土豪陳
龍以分甯奉新通城靖安德安武甯六縣降

二十三年癸卯秋八月明兵與偽漢兵大戰於鄱陽湖陳

友諒敗績而死元史本紀明史紀事云二月偽漢太

諒忿其疆場日蹙大作舟艦高數丈飾以丹漆上下三
級級置走馬欄下設板房為蔽置機數十其中上下人

語不相聞。勝箱皆裹以鐵。自謂必勝。載其家屬百官。空國而來。兵號六十萬。攻南昌。王戊薄城下。諸將分門拒守。鄧愈守江。新州門。趙德勝守宮步。士步橋步。三門薛顯。守章江。新州二門。牛海龍等守琉璃臺。門文正居。中節制。自將精銳二千往來策應。丙寅友諒親督兵攻撫州。門各兵戴竹盾如箕狀。以禦矢石。城壞二十餘丈。鄧愈以火銃擊退其兵。隨豎木柵賊爭柵。文正督諸將死戰。且戰且築。通夕復完。李繼先牛海龍趙國旺許珪朱潛等皆戰死。五月丙子。友諒復攻新城。門薛顯將銳卒開門突戰。斬其平章劉震昭。敵兵退。百戶徐明被執死。之六月辛亥。友諒增修攻具。欲破柵。自水關入。文正使壯士以長槩從柵內刺之。敵奪槩更進。文正乃命煅鐵載鐵鉤穿柵。復刺敵來奪手。皆灼爛。不得進。友諒盡攻擊之。街城中備禦萬方。殺傷甚眾。友諒分遣饒鼎臣等陷吉安。李明道叛。守將曾萬中死。之劉齊朱叔華被執。陷臨江。復執趙天麟。以三人徇城下。文正等不為動。賊復攻宮步。士步二門。趙德勝巡城至宮步門。賊伏賊弩射之。中腰。舊箭深入六寸。拔出遂卒。南昌被圍。既久。內外阻絕。文正遣千戶張子明赴建康。告急。又詐遣卒號捨命王者。詣友諒約日出降。友諒信之。緩其攻。至日城上旗幟一新。友諒候見無降意。縛降卒至城下。殺之。張子明取漁舟從水關出。越石頭城。晝行夜止。半月達建康。太祖問友諒兵勢何如。對曰。友諒兵雖盛。戰死亦不少。今江水日涸。巨艦將不利。又師久糧乏。援兵

至可必破也太祖曰歸語文正但堅守一月吾當自取
之乃遣子明先還至湖口為友諒許之至城下呼曰主上
誘降非但不死且富貴子明陽怒殺之文正等聞之守
令諸公堅守大軍且至矣友諒怒殺之文正等聞之守
益堅七月癸酉太祖自將收洪都徐達常遇春亦自廬
州還太祖親督諸將會師馮燾於龍江舟師凡二十萬
癸未進次南湖口先遣指揮戴德以一軍屯於涇江口復
以一軍屯南湖口先遣友諒歸師又遣人調信州兵守
武陽渡防其奔逸丙戌友諒聞太祖率諸將由松門入鄱
陽湖丁亥遇於康郎山友諒列巨舟當我師太祖見之
謂諸將曰彼巨舟首尾連接不利進退可破也乃命舟
師為二十隊火器弓弩及舟則短兵擊之戊子徐達常遇
火器次弓弩及舟則短兵擊之戊子徐達常遇春發
永忠等進兵搏戰達身先諸將擊之戊子徐達常遇春發
人獲一巨舟而還軍聲大振俞通海復乘風發火礮焚
寇舟二十餘艘殺溺死者甚眾徐達等搏戰不已火延
及達舟敵乘之達撲火更戰太祖於沙漢遣舟援達友諒
將張瑄定邊奮前犯太祖舟膠於沙漢遣舟援達友諒
劔叱之與陳兆先大奮擊牙將韓成進曰古人殺身以
成仁臣不敢愛其死乃服上冠袍對敵自投水中敵信
之攻少緩宋貴陳兆先俱戰死常遇春從旁射中敵信
定邊舟始卻俞通海來援舟繫進水湧太祖舟遂脫通
海與廖永忠以飛網追定邊定邊走身被百餘矢退去

會日暮太祖鳴鉦集諸將申約束恐張士誠乘虛入寇
命徐達回守建康已丑太祖復親布陣與友諒戰友諒
悉巨舟連鎖爲陣旌旗樓櫓望之如山我舟小仰攻多
卻太祖親麾之不前右師少卻立命斬敵也臣以爲非
不止郭興進曰非人不用命舂等大調漁舟載荻葦置
火攻不可太祖然之命常遇春等分調舟東草爲人飾以
火藥其中至哺時東北風起命以七舟東草爲人飾以
甲冑持兵載若闕敵狀令死士操之備走舸於後將
追敵舟乘風縱火風急火烈須臾抵敵舟焚水寨數百
艘燔焰漲天湖水盡赤死者大半友諒弟友仁友貴及
其平章陳普略等皆焚死我師乘之友諒善戰至是友
仁者卽所謂五王也眇一目有智數梟勇善戰至是友
諒爲之喪氣普略卽新開陳也是日張志雄舟檣折爲
敵所覺以數舟攢兵鉤刺之志雄窘迫自剄丁普郎余
昶陳弼徐公輔皆戰死普郎身被十餘創首脫猶植立
舟中不仆持兵若戰狀時太祖所乘舟檣白友諒覺欲
併力來攻庚寅夜令諸船盡白其檣旦莫能辨敵益駭
辛卯復率眾大戰自辰至巳不解時劉基侍忽躍起大
呼太祖亦驚起回顧但見基雙手揮之日難星過急更
舟太祖如言入他舟坐未定舊所御舟已破碎矣友諒
乘高見舟碎喜甚俄太祖麾舟更進皆失色廖永忠俞
通海汪興祖趙鼎以六舟深入敵陣大艦拒戰蔽之舟
若沒有頃六舟旋繞漢軍而出勢若游龍諸將見之勇
氣百倍呼聲動天地波濤起立日爲之晦時漢舟大我

師環攻之殺其卒殆盡而操舟者猶不知呼號搖櫓如故已而焚其舟皆死至午敵兵大敗棄旗鼓器仗浮蔽湖面不通海等還太祖勞之曰今日之捷諸君之力也友諒戰不利欲退保山我師先至嚮子口橫截湖面邀去敵五里許諸將欲退自守不敢更戰是日移舟泊柴棚先退非計也俞通海以湖水淺請移舟扼江上流劉基亦密言當移軍湖口期金木相犯日決勝太祖從之時水路狹隘舟不得並進恐爲敵所乘至夜令船置一鐙相隨渡淺比明已盡渡乃泊於左蠡友諒亦移舟不出泊湖磯相持者三日初友諒戰不利右金吾曰今戰不勝出湖實難莫若焚舟登陸直趨湖南謀爲再舉左金吾曰今雖不利我師猶多戮力一戰勝負未可知至自焚以示弱萬一舍舟登陸彼以步騎躡我後進不及前退何所據矣友諒猶豫不能決至是失亡多乃曰右金吾言是也左金吾間之懼來降右金吾亦率所部來歸友諒兵益衰太祖既駐師彭蠡移書謂之友諒得書怒留使者不遣盡殺所獲戰士皆遣還下命曰但獲彼軍皆勿殺又令祭其弟姪及將士戰死者師出湖口命遇春永忠諸將統舟師橫截之又令一軍立柵於岸控湖口旬有五日夜友諒不敢出復移書與之友諒忿恚不答太祖與博士夏煜等日草檄賦詩意氣彌壯友諒食盡掠糧於南昌朱文正遣人燔其舟勢益困時我師水陸結

營列柵江南北岸置火舟火筏中流戒嚴以俟八月壬戌友諒計窮冒死突出繞江下流欲由禁江遁回太祖麾諸軍追擊以火舟火筏衝之敵舟散走追奔數十里自辰至酉戰不解至涇江口涇江之兵復擊之張鐵冠大笑賀曰友諒死矣未幾有降卒來奔言友諒在別舸中流矢貫睛及顙而死諸軍聞之大呼喜躍益爭奮擒其太子善兒明及平章陳榮等悉舟師來降得士卒五萬餘人張定邊乘夜以小舟載友諒屍及其子理奔還武昌復立理為帝改元德壽游宦餘談云定住為偽漢守臨江兵不滿千人屢挫強敵鄱湖之戰住以元戎領兵江上我師殲焉惜其不能擇主而身名俱隕也

二十四年甲辰春正月太祖建國號曰吳二月自將伐漢

漢主陳理降湖廣江西悉平綱目續編 明史紀事云

臣祠於鄱陽湖康郎山祀韓成丁普郎等三十六人建忠

十四人祠於南昌府贛州八月初命常遇春鄧愈率兵

討之愈與遇春合兵平臨江之沙坑麻嶺牛陂諸寨執

偽知州鄧志明送建康及其兄克明俱伏誅時李公道

匿武甯山被獲以其反覆亦戮之遇春兵次吉安遣人

語饒鼎臣曰吾今往取贛可出城一言而去鼎臣怖不

敢出遣其幼子出見遇春坐而飲之口歸語而父可善

自爲計鼎臣夜棄城走安福遇春復吉安引兵趨贛州
已而鼎臣復肆剽掠王國寶擊斬之九月常遇春等圍
贛州未下太祖諭之曰熊天瑞困處孤城猶籠禽阱獸
豈能逃逸但恐城破之日殺傷過多要當保全生民爲
未附者勸時天瑞拒守益堅遇春乃浚濠立柵以圍之
明書載熊天瑞傳云熊元震本姓田氏善戰有名天
瑞養以爲子常遇春之圍贛也元震竊出覘兵勢遇春
亦引數騎出猝與相遇元震不知爲遇春過之及遇春
還始覺遂單騎前襲遇春遣從騎揮刀擊之元震奮鐵
槌且戰且走遇春日壯男子也喜其才勇後從天瑞降
薦爲指揮使又贛州志云永新人也尹堅從熊天瑞據贛
爲兵馬指揮登城飛鉅石傷常遇春常遇春留置幕下還朝言
將自殺遇春召慰曰好男子當如是留置幕下還朝言
於上命武士與角力皆不支以爲直殿將軍明史鄧
愈傳云太祖已平武昌使愈率兵徇江西未附州縣鄧
克明之弟志清據永豐有卒二萬愈擊破之擒其大帥
五十餘人其徇安福也部卒有鹵掠者判官潘樞入謁
面責之愈立驚謝極下令掠民者斬索軍中所得子女
盡出之愈明史湯和傳云討平江西諸山寨永新守將
周安叛進擊敗之連破其十七寨圍城三月克之執安
獻以

二十五年己春正月僞漢守將熊天瑞以贛州降於明

元史本紀明史紀事云正月天瑞被圍日久力不能
支乃降其所統南安雄州韶州諸郡皆下太祖聞遇春
克贛不殺喜甚遣使褒諭先是天瑞橫斂取民財悉命
罷之遇春進師南安招降未下諸郡振旅而還明史
陸仲亨傳云從常遇春討贛州天瑞降為贛州衛指揮
使節制嶺南北新附諸郡調兵克會昌悉平諸山寨
明史黃彬傳云歐普祥死彬領其眾從常遇春征贛州
饒鼎臣據吉安為熊天瑞聲援遇春至鼎臣走安福彬
以兵躡之走茶陵天瑞乃降從湯和執周安後移鎮袁
州招集諸山寨江西悉定餘大志云都督朱文正遣參
政何文輝指揮薛顯討新淦鄧仲濂餽餉斷之擢
薛顯為江西行省參政餘干災祥志云吳乙巳年寇
蕭明雷應霖襲餘干知州侯斌遇害

明

洪武元年

戊申

永新寇劫殺邑大姓千戶俞茂勦之

安福志

四年

辛亥

贛州上猶山寇叛江淮行省中書左丞黃彬討

平之

明史列傳

十六年

癸亥

秋九月命申國公鄧鎮子愈臨江侯陳鏞子德濟

甯侯顧敬子時討平永新龍泉山寇豫章書

十八年乙丑廣賊周三官謝仕真攻劫龍南信豐雩都等

處破其城焚掠甚慘聚眾至萬餘人明年統兵官尹和

先用計擒賊二子乘勝督兵討平之豫州兵寇志 龍南紀事云周三官

河源宦家子殺人亡命謝仕真以造假銀事發遂結黨倡亂

二十三年庚午春正月贛賊叛總兵東川侯胡海左右副

總兵普定侯陳桓靖甯侯葉昇討平之豫章書 明史葉昇傳云贛州

山賊復結湖廣峒蠻為寇昇為副將軍同胡海等討平之俘獲萬七千人 陳仁錫世法錄云雩都知縣查允

申奏近山賊夏三等作亂袁州衛指揮蔣旺等領兵捕之旺乃擅發民丁三百人驅之當賊方春之時且廢農

業上曰以不教民戰是謂棄之討賊武夫事何與於民命兵部遣人責旺亟罷其役

永樂二年甲申春正月給事中朱肇撫安江西二月壬申

命江西總兵官李濟捕永新賊丙子命豐城侯李彬討

永新賊戊子永新賊陳繼成伏誅冬十一月諭平永新
賊功賞將士有差豫章書 明史李潛傳云永樂元年
出鎮江西永新盜起捕誅其魁尋召

七年己丑春正月發江西兵征交趾秋九月妖賊李法良

寇安福僉事何穎督兵擒之法良伏誅傳維麟明書
謝志舊案明書

黃淮傳云永樂中長沙妖人李法良反仁宗方監國命
豐城侯李彬討之漢王忌太子有功詭言彬不可用淮
日彬老將必能滅賊願急遣彬卒擒法良
據此則法良就擒伏誅其事當在八年

宣德七年壬子會昌長河賊朱南鄭劉伯昂爲閩粵江西

三省巨寇流劫邊鄙鄉勇李梅五獲其驍賊鄭與昂稍

卻退巢石背三省會請征勦命東廠太監督軍屯於禾

溪年餘無功乃懸賞招勇敢士有武平人邱景崇者應

募討賊贛州兵
寇志

九年甲寅秋八月江西叛民夏九旭等作亂尋伏誅明魏

源傳云九旭等據大盤山為亂帝以源江西人命撫之

都督任禮帥兵隨其後未至官軍擒九旭陳本深傳

云與況鍾等同受敕為知府本深設伏大破之斬子良

曾子良據大盤山眾萬餘本深設伏大破之斬子良

正統四年己未秋七月邱景崇以技術潛入賊營賊不疑

因率十一戶親族子弟五百人偽從賊與造軍器約官

兵為外援十二月晦日就筵間擒朱南鄭劉伯昂事平

上聞命以石背土田分賜十一戶世襲把總贛州兵

十二年丁卯冬十月浙東葉宗留反寇鉛山等縣僉都御

史張楷討之廣信兵變志鉛山志云先兄正統七年

聚眾千餘人入山盜礦十年掠永豐巡按會同都司調

南昌衛廣鉤二所官軍及六縣民壯與王能等戰官軍

被殺者甚眾永豐令鄧容老人余斌入山招撫王能三

十五人聽命給以割付以永豐二十四都府荒田地給

與耕種充快手協同六縣民壯於永豐橫山頭設教場

都司翁統集二所官軍以時操閱實所以鈴制之也王

能既降計誘鄭祥四蒼大頭等三百餘人悉斬於永豐
十五都獨宗留與部下遁去是年十月宗留聚眾盜掘
處州少陽坑厯雲和至政和之少亭皆無所得謂其徒
曰與其聚於山勞而無功孰若取於民眾從之時餘黨
尚數百人攻掠政和縣還慶元招龍泉夏葛山葉七爲
教師由浦城流劫建陽所過焚掠分眾扼守銘之車盤
嶺行旅斷絕四月間賊鄧茂七亦起邵武東南大震命
都御史張楷督軍務偕都督劉聚副陳榮帥師討之至
廣信宗留率其黨時出抄掠軍不敢進闔中告急浙
江藩司請楷便宜移兵先擊宗留可無後顧江西按臣
亦言葉寇近咫尺危在旦夕大臣爲國家排難專之可
也楷左右顧有指揮戴禮舊身願往剿之楷乃命率兵
五百以往往十三年十一月賊至黃柏鋪戴禮擊之死傷
相半宗留衣緋率眾前中流矢死官兵不知爲宗留也
賊退入山復據葉希八爲渠帥劫車盤嶺率眾駐十三
都欲由桐廬回浦城副都督陳榮謂楷曰受命討賊今
延平事急而銘道不通大軍密邇二賊並熾今遣部將
往朝廷謂我輩逗留將若之何楷不得已命榮帥二
人與賊戰合命劉聚率江西兵趨建甯榮至銘之祝公
橋賊聞風用計誘入周道塢宋家際兩山埋伏首尾相
擊官兵大敗榮禮皆死榮馬自十三都躍入縣堂三跳
而死楷益懼曰與其緩腹裏而必急咽喉遂取道徑往
閩中行委浦城何縣丞率軍快數千永豐知縣鄧容亦
率本府六縣民快以應十一月十五日與希八合戰橫

山敗績容被執死之人情益大恐以為遂無信州矣鎮
守侍郎楊甯時在會城乃與三司議調南昌前衛及廣
鉞二所官軍招集六縣民壯會於橫山迷不識路購得
土著為前導大軍隨之進發然終不能深入相持數月
僅無亡失而已朝命聞敗遣尚書金縢甯陽侯陳懋保
定侯梁瑤平江伯陳豫等率京營及南直江浙等兵討
之以中官曹吉祥王瑾為監軍兼制三省吉祥等素作
威福濂以計留之於浙而與懋移兵駐廣信分道入福
建未至希八乃使人從鎬弋聞道厚自結於茂七互為
聲援此入彼出官軍首尾不能相應至建甯屢戰時
有小勝輒以捷聞劉順鎮志云福建沙縣賊鄧茂七自稱
閩王江西都指揮劉順鎮志云福建沙縣賊鄧茂七自稱
城十一月茂七黨陳椿八率眾數千人入境邏者報賊止
四五十順間而輕之遣百人入賊營縱火發礮出其不
意殺賊數十又縛其部總馮社長椿八大怒
後三日盡率其眾攻城順復輕之城遂陷

十四年己春正月江西妖賊蔡妙光作亂捕平之三月

閩賊陷瑞金夏五月陳懋等破鄧茂七賊巢獲其家屬

并偽官二百餘人南安妖人羅天師伏誅

江西廬陵泰和盜起捕誅之鄧茂七反福建巡按汪澄
牒鄰境會討俄以賊議降止兵雍曰賊果降退未晚也

趣進兵賊復叛人以是服雍董興傳云署都督會事
充右參將從甯陽侯陳懋討邵茂七進都督同知南海
黃蕭養劫獄嘯聚眾十餘萬僭稱順天王詔拜興左副
總兵調江西兩廣軍往討興用天文生馬軾自隨至江
西夜半聞雞鳴軾曰雞鳴不以時由賞罰不信也願公
嚴軍令明年景泰改元師至廣州蕭養中流矢死餘黨
伏誅謹案明史英宗紀是年二月御史丁瑄指揮
劉福擊斬鄧茂七於延平此云五月蓋破其餘黨也

景泰元年

庚午

石溪民黃待宗煽亂江西鎮守侍郎楊甯

徧發諸郡掩捕之獲其渠首解京以南安當潮粵之交

奏請修築舊城甯升禮部尙書去明年巡撫韓雍乃畢

工

南安事考

天順四年

庚辰

嶺寇犯贛州江西右布政使王恕率師討

平之安輯流宄有方轉河南左轄

舊志

六年

壬午

賊朱紹綱入信豐縣界據新田裏羅老營場爲

巢大掠者十餘載新田約長黃習率鄉勇搗其巢擒紹

綱於螺峯斬之贛志

成化元年乙酉春二月廣賊寇贛州龍南巡按江西御史

陳選布政使翁世資按察使林鶚都指揮王貴討平之

豫章書 明史林鶚傳云成化初超遷江西按察使廣

東寇剽贛州急調兵禦之遁去廣信妖賊妄稱天神惑

眾捕戮其魁立解散

八年壬辰草寇李福正聚眾於南邨洞同知章廷圭討平

之贛州蔡志

十八年壬寅閏八月廣東賊入江西大掠明書

二十年甲辰閩廣流寇犯境入瑞金總捕同知王廷珪禦

之為所害贛州兵寇志

二十一年乙巳夏五月南贛盜起命僉都御史閔珪撫治

之明書 閔珪傳云南贛諸府多盜率強宗家僕生請 獲盜連坐其主法司議從之尹直輩謀之李孜省取

中旨責珪不能弭盜
左遷廣西按察使

二十三年丁未秋八月石門賊楊九龍合武平賊劉昂攻
破信豐大掠龍南督守太監鄧原以聞命江西巡撫李
昂督三省兵討平之擒斬九龍等添設參將於長沙營
又置堡於羊角水設隄備所又於龍南石城設守備行
司瑞金安遠設隄備行司贛州舊志

宏治三年庚戌程鄉賊彭錦糾邑賊黃秀琦出攻信豐大

掠境內

龍南紀事

八年乙卯冬十二月流賊掠江西

明書豫章書云宏治甲寅汀漳寇起嶺南湖

湘不逞者四出剽掠為東南患大志云乙卯冬十月汀漳盜王魁蔡郎綱等流入信豐竹篙嶺龍南象塘堡大肆劫掠義民廖思閏老人陳受統率家屬擊敗之思閏及受死於陣

十年丁巳餘干民畢隆興姚十八聚眾作亂縣丞邱應檄

福建審兵平之

饒州事考

十五年

壬戌

春正月江西盜起都御史林俊勦散之

明書林

俊傳云江西新昌民王武為盜巡撫韓邦問不能靖命俊巡視身入武巢武請自効悉禽賊黨詔即以俊代邦問

十八年

乙丑

春正月元旦廣寇破瑞金知縣萬琛遇害

州

兵寇志明史萬琛傳云十八年正月劇盜大至縣人洶洶逃竄有勸琛急去者琛斥之率民兵數十迎敵殺賊二十餘人相持至明日力屈被執罵不絕口賊攢刺之乃死時有王祐者為廣昌知縣賊至民盡逃援兵又不至祐拔刀自刎其腹曰有城不能守何以生為左右奔奪其刀後援兵集賊稍退越七日復突至祐倉皇赴敵死之

正德三年

戊辰

李承勳知南昌府時江西盜起瑞饒撫

諸郡皆被賊承勳多方防禦寇乃退

明書平姚源傳云正德三年有潘

泰者目例監附逆瑾來知餘干政橫民不堪命萬春鄉余乾七與其黨朱顯一王浩八胡浩二梅祿一翁享四

等入姚源谷中相聚為盜初未恣有屠人戴庚九聞之泰泰不禁乾
賊黨吳珏六已而乾七報仇殺庚九聞之泰泰不禁乾
七等益無憚饑寒無賴者
爭從之數月眾至萬人

四年己江西盜起命僉都御史王哲巡撫南贛明史作

任既至黜貪吏去苛政盜皆解散參議俞諫計擒程鄉

賊酋鍾士高陳五長等往年為安遠信豐害者駐師三

月民不知兵贛州志雲都紀事云正德己巳十一月

邨來時已昏夜城中人不設備賊五鼓渡河從城西角

梯而入時袁僉事某聞賊陷城出避萬壽僧舍賊從閣

上選得見其氣壯言正不加害挾之同宿布政行司前

梅氏嗣次日將撤營去有留之者因復駐掠城中婦女

二百餘人燒燬房屋殆半殺孫嘉亨等五人其留賊者

賊疑之亦見殺平姚源傳云四年副使吳一貫遣百
戶鄭鑑捕盜古埠遇害賊懼而乞降一貫殺降賊百人
又以密兵三千人襲姚源賊覺阮其險無得脫者邑生
桂秀率子弟鄉民與賊戰於回跋大敗父子及門人俞
相俱死又撫州盜起西鄉賊張馬七起三塘甚驚瑞
州雜志云五年七月高安陳福一羅長一奉新胡雪二
嘯聚郡界之華林山連劫庫獄暨臨江奉新靖安建昌

諸府縣脅從擄質至萬人復分踞越王瑪瑙仙女雞冠
山等寨官司且撫且捕惟華林賊尙熾二月賊還自萬安
庚午七月流賊寇城火二日不滅十二月賊傳云五年春
通判徐圭擒其副殺之賊乃遁平姚源傳云五年春
僉事張吳見東西賊相峙方謀招東賊以討西賊董朴
御史王哲鎮守太監王嵩檄吳營餘干古埠參政董朴
營樂平珠田參議居達營安仁吳山約日進兵攻姚源
吳進畚塘賊兩衝營敗去朴約吳進深山朴麾下千戶
姜金遇賊奔還營兵潰自相蹂踐死傷無數吳被執斫
其面其僕衛之曰吾主張僉事也賊殺僕僕釋吳千戶李
俊戰死軍民官高珏史文耀蘇大觀等俱死鄉官典史
吳祚與賊遇梁家坂斬賊十三人等死身被二十七鎗死無
完膚義兵頭目孫秀葉奇十人等死身被六十人志云
九月廣義兵福建流賊三千餘人入永豐縣知縣朱連逃
去遂破樂安新淦縣知縣申惠等被執都御史陳金調
兩廣土兵分道剿捕撫州兵氛志云臨川鄉盜徐巢
仰四艾茹七等作亂殺官兵知縣龍誥督民兵薄賊巢
幾被執都御史陳金以所調狼土軍討平之乃議建東
鄉縣南康紀事云五月所調狼土軍入湖廣掠黃州
都指揮張墳追敗之乃趨江西南盜乘舟入湖廣掠黃州
之左蠡贛志云六年程鄉賊鍾仕錦攻劫附近鄉邑
都御史周南招降賊首何積玉及餘黨千餘人擒仕錦
戮之安插朱貴等三百餘人於羊角水後積玉復叛
知縣蔡夔督民兵浴殺之安插餘黨葉芳等爲新民

七年

壬申

春正月南贛巡撫都御史周南率兵攻破大帽

等山寨盡平之大帽山界江閩廣三省賊首張番壇李

四仔鍾聰劉隆黃鋪等聚徒數千攻陷石城萬安諸縣

南分遣江西兵從安遠入攻破巢穴七廣東兵從程鄉

入攻破巢穴九福建兵從武平入攻破巢穴八擒番壇

等悉斬之俘獲賊屬奪回良善甚眾二月江西按察司

副使周憲率兵討廬山左湖盆塘賊敗之擒斬數百人

四月憲移軍攻華林賊

陳福一等

於仙女寨拔之進克雞公

嶺先後擒斬千餘人進薄華林絕其出道賊益窘先是

陳金檄憲等分兵三路討賊五月憲信諜者言賊眾饑

疲遂檄兵夾攻其二路失期不至憲獨深入山谷峻險

賊憑高發擗石如雨兵敗憲被執刀中憲首血流滿面

左髀復中鎗不能行大罵賊不絕口賊怒支解之勢復振六月南昌知府李承勳會同按察使王秩督兵進攻華林賊承勳招降賊帥黃奇置麾下任用之奇感奮誓以死報乃令奇入賊寨說其黨多來降者承勳令土酋岑猛選精兵五百人夜與俱至山下令奇密入寨誘所與約降者來卽遣之爲內應乃與猛帥五百人銜枚登山奇與數人前導至壘賊方鼾睡直夜者擊三更奇拔柵率衆入五百人奮刀斫之內應降賊合勢夾攻賊倉猝不知所爲求甲仗皆不得斬首三千餘級餘衆奔出壘乘夜逃匿山谷候曉搜山又斬獲千餘人華林賊遂平移兵擊靖安瑪瑙寨賊胡雪等盡俘之金奏江西華林賊已剿平姚源賊王浩八願撫加金太子少保餘論功

賞有差

明史紀事、大志云七年五月撫州東鄉賊平

兩廣日兵同官軍討之令參議徐蕃都指揮陸潮等屯

岳城僉事高賓指揮王爵等屯黎虛僉事李嘉言都指

揮楊懋屯野塘兩廣副總兵張勇總統官軍土官岑壘

岑猛統目兵分道並進敗賊於熟塘再克於南寮復連

捷於赤岸蔭嶺前後斬首萬餘級俘七百五十餘人破

二百六十五棚事間皆升賞姚源賊殷勇十洪瑞七等

構亂猖獗金受命總制募鄉兵得五六萬人令參政董

朴軍餘千吳廷舉軍安仁僉事高賓軍貴溪鄭宣軍樂

安都指揮許時軍鄱陽而布政使任漢統之據山立寨

分守要害賊出輒遇其歸閒發兵搗巢穴俘斬千餘人

殷勇十重創死已而勇以廣西目兵至毒弩斃張所向

破竹俘斬又四千餘人金喜以功在頃刻乃與諸道領

兵官置酒高會賊覘知請要害無守者乃悉所有賂土

官因兵懈乘夜遁去時賊不食已三日轉掠徽開廷

舉以安仁民兵及目兵追及於七陽日兵所在撰掠居

民遮訴俱不省由是將驕卒悍上下解龍南紀事云七

立縣之議賊欲款師偽降攻剽如故龍南紀事云七

年山賊黃秀礮謝越賴振祿集眾劫掠鄉邑後贛撫蔣

昇招降之

八年癸春正月右副都御史俞諫代陳金討江西賊六

月俞諫破賊於貴溪冬十月俞諫連破賊於東鄉江西

賊平明史本紀明史紀事云八年正月姚源賊王浩

操江副都御史俞諫率五洞蠻兵與東鄉賊分劫州縣命

剿四月兵備副使胡世甯約王賽一內應引兵征東鄉

劇賊樂庚二陳邦四等盡擒之東鄉故賊巢世甯撫禦

反側務立信義庚二邦四復叛悉擒賊一歛順有功

奏原其死既而備城淦立縣治百姓晏然五月參政吳

廷舉單騎入姚源諭降賊王浩入等為賊所留羅武

劫威廷舉不為動久之因得識其左右有謀者陰結

之使結其渠因奉廷舉歸總制都御史俞諫聞廷舉被

執移兵姚源進勦知府李承勳曰賊乏食必掠裴源積

粟請贛兵及南昌兵分兩翼伏裴源待之賊果至大敗

遁去初賊聞狼兵至頗懼欲降按察使王秩受之已有

約議者以賊反覆不可信欲乘兵威撲滅取降者殺之

賊復大亂棄巢奔突四出劫掠徽衢等處民被其害六

月總督浙江軍務都御史俞諫夾攻姚源賊王浩入於徽

會總制江西都御史俞諫夾攻姚源賊王浩入於徽

平之初炎慮姚源賊聽撫難信豫為之防至是果突入

境督兵會剿餘黨悉平總制俞諫奏立東鄉萬年二縣

分治地方撫安人民從之十二月諫調兵征建昌賊徐

九齡等平之建昌賊為患數年勢偏益府官軍不能討

至是諫命師悉擒以還大志云江西賊徐九齡

建昌縣之醴源負固劫掠出沒江湖開德安鄱陽九江
湖口咸被其毒都御史俞諫督兵討之豐城知縣吳嘉
聰率眾先登破焚嶺擒其從賊顏日和等二十一入餘
衝高安主簿袁琦率眾遏之賊敗走瑞亦戰死九齡急
引眾冒雨夜遁出完岡兵備副使宗璽扼之於青頭岡
斬九齡及其黨醴源遂平謝志舊案大志誤作正德
十年今從明史改正蓋討賊事在八年賊平則於九年
也乃出復姚源傳云八年王浩八襲執參政吳廷舉數月
李清通判陳達泰岩等十二月調大賊同參將桂勇總兵
劉暉游擊賈鑑浙江參將李隆湖廣都指揮陳表福建
參政王子言副使湯沐各領所部兵討賊鑑善騎射有
抵賊壘吳廷舉以計誘翁享四擒縛王浩八由是蔡六
三劉昌三胡浩二等俱就擒餘黨始聽招撫賊平定萬
年縣版籍吳祥加承德郎蔭一
子有司以禮葬桂秀於東山

十年乙亥春二月甯王宸濠招舉人劉養正入府密謀宸

濠聞養正有才名習兵法延至府講論宋太祖陳橋之

變養正盛稱宸濠有撥亂才密約待時舉事夏六月宸

濠忌都指揮戴宣擅捶殺之冬十月江西按察司副使

胡世甯奏甯王無道罪狀下兵部移文甯府令鈐束其
下以河南左布政孫燧爲都察院右副都御史巡撫江
西先是俞諫以忤宸濠奪官閑住宸濠謀益橫股削百
姓輦珍寶結禁近爲輿援及結連各洞寨逋賊縱其流
劫鎮巡藩臬以正自持者百計去之畏禍者遂翕然依
附燧知大變將作乃均征賦飭戎備實倉儲散鹽利偵
姦黨置之法以翦其羽翼宸濠奏副使胡世甯離間親
親妖言誹謗賄營內旨逮之下錦衣獄世甯獄中三上
書言江藩橫逆朝野皆聞微臣愚戇天日共鑒訊鞫接
掠幾瘐死

明史紀事

十一年丙子夏五月宸濠欲拓府居擬大內左布政張嶺
以非制拒之秋九月宸濠奪官池賄李士實張嶺持不

可冬十月以王守仁爲都察院右僉都御史巡撫南贛

汀漳等處明史紀事明史王守仁傳云十一年八月

是時南中盜賊蜂起志山據橫水左溪桶岡池仲容

據洄頭皆稱王與大庾陳日能樂昌高快馬郴州龔福

全等攻剽府縣而福建大帽山賊詹師富等又起前巡

撫文森託疾避去志山合樂昌賊掠大庾攻南康贛縣

主簿吳玘戰死守仁至知左右多賊耳目乃呼老黠隸

詰之隸戰栗不敢隱因贊其罪令誦賊助靜無弗知於

是徵福建廣東會兵先討大帽山賊賊助靜無弗知於

十一年七月郴州賊首龔全賊助靜無弗知於

督稱延溪王李賓黎穩梁景聰僧稱繼繼歸張打旗號

目其餘搖賊千數出劫樂昌及江西南康等縣拒敵官

軍後蒙撫諭將賊首高重仁李賓給與冠帶重設搖官

未甯半月仍前出劫明史宸濠傳云十二年典儀問

順內官陳宣劉良開行詣闕上變甯賢等庇之不問宸

濠疑出承奉周儀殺儀家及典仗查武等數百人巡撫

孫燧列其事中道爲所邀不得達宸濠又賂錢甯求取

中旨召其子司香太廟甯言於帝用異色龍賤大喜列仗

賜異色龍賤者故事所賜監國書賤也宸濠大爲列仗

受賀明史孫燧傳云燧察副使許達忠勇可屬大事

與之謀先是副使胡世甯暴宸濠逆謀中官幸臣爲之

地世甯得罪去燧念訟言於朝無益乃託樂他盜預爲

備先城進賢次城南康瑞州忠建昌縣多盜割其地別
置安義縣以漸弭之請復饒撫二州兵備不得復則請
敕湖東分巡兼理之九江當湖衝最要害請重兵備道
權兼攝南康甯州武甯瑞昌及湖廣與國通城以便控
制廣信橫峯青山諸寨地險人悍請設通判駐弋陽兼
督旁五縣兵又恐宸濠劫兵器假討賊盡出之他所宸
濠瞞燧圖己使人賂朝中諸幸臣去燧而遺燧棗梨薑
芥以示意燧笑卻之逵勸燧先發後聞燧曰奈何予賊
以名且需之明史費宏傳云宏族人與邑奸人李鎮
等訟宸濠陰令鎮賊宏鎮等遂據險作亂率眾攻費氏
索宏不得執所與訟者支解之發宏先人冢毀其家劫
掠遠近眾至三千人宏馳使懇於朝下巡撫孫燧按狀
始遣兵剿滅以前明史紀事云十二年二月巡撫南贛都
御史王守仁以屬弩手打手機快中選驍勇有膽力者
省兵備官於各屬弩手打手機快中選驍勇有膽力者
縣千人少或八九百選最者優廩餼署爲將領其兵備
原額官軍汰老弱三分之一各縣賢能官分統之專守城
隘所募精兵隨各兵備官屯札別選官分隊統習之於
是各縣屯戍既足防守兵備官札別募者又可應變出奇盜
賊漸知所畏三月守仁調三省兵攻信豐龍南流賊連
敗之賊突至信豐守仁令乘險設伏厚集以待之乃潛
兵往徑道夾攻賊奔潰於象湖山拒守又潛搗其巢穴
大敗之賊復潰入流恩山岡等巢尋遁去宸濠令王春
余欽等招募劇盜凌十一閔念四等五百餘人四集亡

命同楊清等藏丁家山寺劫掠官軍民財商賈復厚結
廣西土官狼兵并南贛汀漳洞蠻欲圖爲應遣人往廣
東收買皮帳製作皮甲及私製鎗刀盜甲并佛郎機銃
兵器日夜造作不息五月守仁製鎗刀盜甲并佛郎機銃
酋詹師富等及長富邨等處二十餘巢平之其脅從餘
黨願帶家口出官聽撫守仁委官安插復業四千餘人
復檄知府季敦調兵擒賊帥陳日能平其巢穴七月守
仁請提督軍務許之初守仁上疏論狼兵所過不滅於
盜轉輸之苦重困於民乃請便宜行事期於成功不限
以時兵眾旣練號令既明事無掣肘可以相機勦滅眾
迂其議屢不報尙書王瓊復議然曰朝廷有此等人不與
以柄又將誰用因守仁疏復議即奉旨改提督南贛汀
漳等處軍務十月守仁討汀州左溪賊藍天鳳等平之
天鳳等與贛南下新寧下等洞賊雷文聰高文輝等盤
踞千里守仁集從諸議曰諸巢爲患雖同事勢各異以
湖廣言之則桶岡諸巢爲賊之咽喉而橫水左溪諸巢
爲之腹心以江西言之則橫水左溪諸巢爲賊之腹心
而桶岡諸巢爲賊之羽翼今不先去腹心之患而欲與
湖廣夾攻桶岡進兵兩寇之間腹背受敵非吾利也況
賊但聞吾檄湖廣夾攻桶岡橫水左溪旣破移兵桶岡
其不意可以得志橫水左溪旣破移兵桶岡觀望未備
矣乃遣都指揮許清率兵自南康新溪入知府邢珣率
兵自上猶縣石人坑人知縣王天與率兵自大庾縣義安
面峪入皆會橫水指揮鄧繼郊文率兵自大庾縣義安

入知府唐涪卒兵自大庾縣聶都入知府李墩卒兵自
大庾縣穩下入縣丞舒富率兵自上猶縣金坑入皆會
左溪知府伍文定知縣張戰各率兵自南康進掘橫水與諸軍
以過奔軼守仁親率兵千餘自道並進守仁至橫水謝志
會分布既定乃以初七日分道進賊巢三十里駐兵夜募
山等倉卒據險拒之守仁未至賊巢三旗賞銃礮由開道攀厓
鄉兵善登山者四百人各執一旗賞銃礮由開道攀厓
上險分布近賊巢左右極高山頂伏覘賊度我兵至險
舉礮火應又豫遣壯士緣厓上險奪發其滾木礮石十
二日守仁率兵進至十八面隘賊方憑險迎敵忽聞近
巢諸山頂礮聲如雷煙焰漲天守仁麾兵進逼之賊大
驚失措謂官兵已盡得其巢穴遂棄險走我兵乘勝驟
進指揮謝某肅作馬焉廷瑞兵由間道先入焚賊巢
賊退無所歸大奔潰遂破橫水大巢邢珣王天與各破
數巢皆會於橫水郊文唐涪等各破數寨皆會於左溪
會天霧雨休兵謀知諸潰賊收集餘眾據險立柵然倉
卒無資糧守仁乃下令各營皆分兵為奇正二哨一前
攻一後繼用土人為鄉導自是諸營各分道破餘巢伍
文定張戰亦連破數巢入會左溪賊悉平十一月守仁
會兵攻桶岡初守仁乘橫水左溪之勝遣人諭以禍福
桶岡賊鍾景納款使人夜入賊巢期以初一日於鎖匙
龍山降賊方恐見使至皆喜而橫水左溪賊持不可遲
疑未決守仁遣使於鎖匙龍山界唐涪率兵入十八嶺張戰
茶坑伍文定率兵入西山界唐涪率兵入十八嶺張戰

率兵入葫蘆洞俱冒雨入藍廷鳳方於鎮龍聚議忽
聞諸兵已入險皆震愕急奔入內隘阻水爲陣邢珣
兵渡水前擊張戢衝其右伍文定又自張賊右懸崖
出賊旁賊敗走舒富王天與亦由鎖匙籠入賊悉眾
先破桶岡大寨諸軍奮勇爭進俘斬甚眾湖廣兵亦
賊餘黨遁入山谷守仁遣諸將分道捕之於是橫水
溪桶岡之賊略盡賊首藍廷鳳蕭貴模等皆斬無遺
守仁出師凡兩月平賊巢八十四處遂議於橫水地方
建城設縣控禦三省王成文全書云十二年二月龍
南反招賊首黃秀魁糾合廣東龍川縣頭賊首池大
勢甚猖獗南安大井等共爲一陣賊首楊金巢自爲一
賊眾擁至殺手陳禮舒富統兵快交鋒殺死二十餘人
義士楊習舉戰死經歷王祚被執富與義民蕭承干戶
林節收集眾兵退至南營山把截後賊差人告招本道
楊璋差蕭承往撫放回王祚賊返原巢又委百長王受
等同已招賊首黃秀璣往安遠截捕流賊賴振祿等行
至湖江背秀璣反招令伊弟大滿細滿等燒燬劉必甫
房屋仍與振祿連謀行劫受督率兵快於黎坑際下殺
獲黃秀璣大滿細滿積瑜首級四顆四月池大鬚串同
反招賊首黃秀魁陳秀顯等糾眾四五百餘人劫千長何
市等家王受率兵夫於陳坑水交鋒殺獲首從賊人陳
秀顯等一十二顆餘賊遁歸巢又大庾縣隘長張德於

界首南流劫殺獲湖廣峯賊首唐飛劍及嚴宗清首級
二顆明史王守仁傳云更兵制二十五人為伍伍有
小甲二伍為隊隊有總甲四隊為哨哨有長協哨二佐
之二哨為軍軍有副將皆臨事委之不命於朝副將以下得
遞相罰治其年七月進兵大庾志山乘間急攻南安知
府李敷擊敗之副使楊璋等大喜期仲冬朔降以禍福賊首討
橫水左溪守仁以桶岡險固移營近地諭以禍福賊首討
藍廷鳳等方震恐見使至大喜期仲冬朔降以禍福賊首討
已冒雨奪險入賊阻水陣珣直前搏戰文定與賊自右
出賊倉卒敗走遇瀟兵又敗諸軍破桶岡志山貴謨巡
撫秦金亦破福全其黨千人突至諸將擒斬之乃設崇
義縣於橫水拉諸猺還至贛州議討泃頭賊初守仁之
平師富也龍川賊盧珂鄒志高陳英咸請降及征橫水
泃頭賊將黃金巢亦以五百人降獨池仲容未下橫水
破仲容如遣弟仲安來歸而嚴為戰守備詭言珂弟集高
警也將襲我故為備守仁佯杖珂等而陰使珂弟集兵
待遂下令散兵
歲首大張鎧樂

十三年戊寅春正月江西兵平泃頭及討九連山賊平之

明書王守仁傳云賜池仲容以節物誘入謝仲容率
九十三人營教場自以數人入謁守仁呵之曰若皆吾

民屯於外疑我乎悉引入祥符宮厚飲食之賊大喜過
望益自安守仁留仲容觀樂正月三日大享伏甲士
於門諸賊入以次擒戮之自將抵賊巢連破土中下三
洲斬馘二千有奇餘賊奔九連山山橫互數百里陡絕
不可攻乃簡壯士七百人衣賊衣奔厓下賊招之上官
軍進攻內外合擊擒斬無遺乃於下洲立和平縣置戍
而歸自是境內大定初朝議賊勢強發廣東湖廣兵合
勅守仁上疏止之不及捕圖既滅湖廣兵始至平洲
頭廣東尚未承檄守仁所將皆文吏及偏僻小校平洲
十年巨寇遠近驚爲神進有副都御史費宏平洲記
云正月癸卯肅公度諸兵已集引仲容入併其黨擒之
出盧珂等所告訊物具伏誣使人約諸兵入巢越四日
丁未同時並進其軍於龍川者惠州知府陳祥率通判
徐璣等從和平都人指揮姚璽率新民梅南春等從烏
龍鎮入孟俊率珂等從平地水入軍於龍南者贛州知
府邢珣率同知夏克義知縣王天與等從太平保入推
官危壽率義民葉芳等從南平入守備指揮鄭文率義
官孫舜洪等從冷水逕入指揮余恩率百長王受等從
高沙保入軍於信豐者南安知府李敦率訓導藍鐸等
從黃田岡入縣丞舒富率義民趙志標等從烏徑入公
自率中堅搗下洲大巢副使楊廷宜督餘哨會於三洲
賊黨自仲容至頓備已弛聞官兵驟入皆驚失措分投
出禦悉精銳千餘迎敵於龍子嶺我兵列爲三衝犄角
而前恩以王受兵首與賊戰卻之奮追里許賊伏四起

擊受危壽乃以芳兵鼓譟往援俊復以珂等兵從旁衝
擊呼聲震山谷賊大敗而潰遂并上中二洞克之各哨
兵乘勝奮擊是日破巢十一日熱水五花障淡方石門
上下陵芳竹湖白沙曲潭赤塘古坑三坑明日分道擊
賊已酉破巢凡六日鐵石障羊角山黃田坳嶺岡塘含
岡尾溪庚戌破巢二日大門山鎮里寨辛亥破巢九日
中邨半徑都坑尺八嶺新運古地空背旗嶺頓岡癸丑
破巢四日狗脚坳水晶洞五洞藍洲丙辰破巢二日風
盤茶山其奔者尙入百餘徒聚於九連山峻而袤廣
與龍門山後諸巢接慮其勢合難制乃選銳士七百餘
人衣所得賊衣乘暮而入賊以爲其黨也從崖下招呼
我兵亦佯與和應已度險扼其後路明日賊始覺併力
來敵我兵從高臨下擊敗之公度其必潰豫戒各哨設
伏以待乙丑覆之於五花陣於中邨於北山於風門坳
分逃餘孽尙三百餘各哨會兵追之二月辛未復與戰
於和平甲戌戰於上下坪丁丑戰於黃田坳辛巳戰於
鐵障山癸未戰於乾邨於梨樹乙酉戰於黃田坳辛巳戰
於百順於和洞乙未戰於水源於長吉於天堂砦謀報
各巢稔惡者已盡惟脅從二百餘聚九連山谷呼號乞
降遣珣往撫之籍其名處之白沙乃經理立縣設隘班
師而歸時戊寅三月丁未也孫燧傳云十三年江西
大水宸濠素所蓄賊凌十一吳十三閔念四等出沒鄱
陽湖燧與達謀捕之三賊遁沙井燧自江外掩捕夜大
風雨不克濟三賊走匿宸濠祖墓間於是密疏白其狀

且言宸濠必反章七上
轉爲宸濠遮獲不得達

十四年己卯夏六月丙子甯王宸濠反巡撫江西右副都

御史孫燧副使許逵死之戊寅陷南康己卯陷九江秋

七月甲辰帝自將討宸濠安邊伯朱泰爲威武副將軍

帥師爲先鋒丙午宸濠犯安慶都指揮楊銳知府張文

錦禦卻之辛亥提督南贛汀漳軍務副都御史王守仁

帥兵復南昌丁巳守仁敗宸濠於樵舍擒之明史本紀

事云二月宸濠持重賂交通南京留守太監劉珪四月

孫燧自劾乞罷不許五月遣太監賴義駙馬都尉崔元

都御史顏頤壽戒飭宸濠時江彬錢甯有隙太監張忠

等欲借彬以傾甯會宸濠令南昌生徒保舉孝行挾孫

燧并巡按御史王金奏其事燧等欲緩其逆謀具疏上

之上見奏驚曰百官賢當升甯王賢欲何爲且將置我
何地邪張忠乃乘閒言朱甯賊賢交通甯王謀不軌稱
王孝讓陛下不孝也稱王早朝議陛下不朝也上頷之
東廠太監張銳大學士楊廷和初亦黨宸濠爲復護衛
已而銳知有反謀且知上入忠言乃與廷和謀欲復革

去護衛以免後患於是御史蕭淮疏稱甯王不遵祖訓
包藏禍心招納亡命反形已具疏入江彬張忠贊其說
遂敕義等往革其護衛崔元過廷和詢之廷和曰宣德
中有疑於趙府嘗令駙馬袁泰往覓得釋或此意也元
等遂行而京師競傳以爲且擒治甯王偵卒林華者始
匿藏賢家兼程逃歸以六月十三日至江西值濠生日
宴鎮巡三司等官聞報大驚蓋舊日擒荆王時差太監
蕭敬駙馬蔡震都御史戴珊過南昌宸濠親見之遂以
爲此必擒我不復記廷和所云趙府事也罷宴密召劉
養正劉吉等謀之養正曰事急矣明早鎮巡三司官入
謝宴可就擒之殺其不附已者因而舉事乃夜集賊首
吳十三凌十一閔念四等飭兵器以候待旦急召致仕
侍郎李士實入以謀反告之士實唯唯而已尋各官人
謝拜畢左右帶甲露刃侍衛者數百人宸濠出立露臺
大言曰太后有密旨令我起兵入朝監國都御史孫燧
殺然曰密旨安在濠曰不必多言我今往南京汝保駕
否燧張曰厲聲曰天無二日臣安得有二君太祖法制
在誰則敢違濠大怒命縛燧眾駭愕相顧失色副使許
逵大呼曰孫都御史朝廷大臣汝反賊可擒殺邪顧燧
語曰我欲先發不聽今制於人尙何言乎濠并縛之訊
逵且何言曰惟有赤心耳豈從汝反且縛且罵賊極折
燧左臂并執逵喝校尉火信等拽出惠民門外殺之遂
執御史王金主事馬思聰金山右布政胡濂參政陳杲
程穀劉斐張一作參議許倣廉黃宏僉事顧鳳一賊黨指

押許清許錮白昂并太監王宏俱械鎖下獄思聰黃宏
不食死逆黨舉人劉養正至宸濠自出城迎之養正嘗
言帝星明江漢開故屬意宸濠至是與李士實謀令參
政季敬僉事潘鵬鳴師變持檄諭降諸郡縣左布政梁宸
新鼎庶使楊璋副使唐錦為所脅移咨府部傳檄遠近
革正德年號指斥乘輿以士實養正為左右丞相參政
王綸為兵部尚書總督軍務大元帥分遣逆黨叟伯王
春等四出敗兵戊寅閏念四吳十三等奪船順流攻南
康知府陳霖等遁走進攻九江兵部副使曹雷知府汪
穎等亦遁城俱陷宸濠即令師夔居守婁伯至進賢知
縣劉源清誅之提督南贛軍務都御史王守仁移檄遠
近暴露宸濠罪惡起兵討之先是福建三衛軍人進貴
等作亂兵部尚書王瓊知宸濠且反謂主事應典曰進
貴待他變可也乃具題降敕令守仁查處福書在彼手
宸濠之叛江西守臣俱遇害被執惟守仁至豐城知縣顧
出六月初九日自贛起行十五日守仁至豐城知縣顧
密告宸濠反守仁易服潛至臨江幾為宸濠所及臨江
知府戴德孺聞守仁至喜迎入城調度守仁曰臨江居
大江之濱與省會近且當道路之衝莫若抵吉安為宜
又以三策籌之曰宸濠若出中策趨南都則大江南北
則宗社危矣若出中策趨南都則大江南北亦被其害
但據江西省城則出下策勤王易為也行至中途恐其
速出乃為計伴奉密旨先知反狀令兩廣湖廣都御史

楊旦秦金暗伏要害地方以俟甯藩兵至復取優人數
輩厚賞以全其家令其至伏兵處所飛報竊發日期將
公文縫置袷衣絮中臨發適捕李士實家屬至故縱之
令其奔報宸濠選獲優人果於衣絮中搜得公文不敢
卽發庚辰守仁飛報宸濠反王瓊宣言曰有王伯安在
何患不久當有捷報耳丁亥守仁集兵糧傳檄四方諸
郡縣知府伍文定等皆至議所向守仁曰兵家之道急
衝其鋒攻其有備皆非計之得我故示以自守不出之
形彼必他出然後尾而圖之先復省城撫其巢穴俟彼
還兵來援邀而擊之此全勝之策也秋七月宸濠率兵
出江西留其黨宜春郡王拱樞同內官萬銳等守南昌
自與拱樞李士實劉養正閔念四等六萬人號十萬以
劉吉爲監軍王綸爲參贊指揮葛江爲都督載其妃媵
世子從總一百四十餘隊分五哨出鄱陽舳舨蔽江而
下聲言直取南京太監畢貞守浙江許起兵應之戊戌
宸濠趨安慶知府張文錦畢貞守浙江許起兵應之戊戌
士鼓譟登城大罵之宸濠遂留攻安慶僉事潘鵬安慶
人也宸濠令鵬遣家屬持書入城諭降崔文手斬之磔
其尸投城下宸濠令鵬至城下說之文引弓欲射鵬走
免張文錦卽鵬家盡誅之宸濠盡攻擊之術不能克癸
卯守仁率知府伍文定等起兵會於臨江樟樹鎮於是
知府戴德孺引兵自臨江徐連自袁州邢珣自贛州通
判胡堯元童琦引兵自瑞州通判譚儲推官王暉徐文
英新淦知縣李美泰和知縣李楫甯都知縣王天與萬

安知縣王冕各以其兵至十八日己酉至豐城或謂當
與安慶夾攻守仁曰不然我師越南昌下與甯王持江
上安慶之眾僅能自保必不能援我於中流而南昌兵
議其後絕我糧道南昌康九江又不能合勢乘之腹背受敵非
利也不若先攻南昌甯王久不克安慶精銳皆出守樂
必單弱我兵新集氣銳南昌可克也甯王聞我攻南昌
必解安慶圍還兵自救豈來我師已克南昌彼聞之自
奪氣首尾牽制自成擒矣乃分兵爲十三哨哨三千人
少者千五百人令文定等各攻一門以四哨爲遊兵策
應之謀報甯王伏兵千餘在新舊墳城爲城中聲援遣
知縣劉守緒夜從間道襲破之十九日發兵以二十日
昧爽各至汛地將令日一鼓附城再鼓登三鼓不登誅
四鼓不登斬其隊將又先期爲榜入諭城中居民令各
閉戶自守勿助亂昇攻具至城下梯經而登城上雖設
守禦聞風倒戈兵遂入贛州奉新等兵皆降盜多肆殺
掠守仁執數人斬之眾稍定擒拱樛及萬銳等十餘人
宮中皆縱火自燒死不盡者拘繫之散遣脅從籍封府
庫城中始安宸濠聞守仁帥兵攻南昌大恐土實等勸
宸濠舍安慶徑取南京既即大位江西自服宸濠不從
解安慶圍移兵泊阮子港先遣兵二萬援江西宸濠自
率大軍繼之二十二日撫州知府陳槐亦帥兵至二十
三日謀殺宸濠先鋒至樵舍守仁令伍文定以正兵當
其前余恩繼其後邢珣帥兵繞出賊背徐達連戴德孺張
兩翼分擊之諸將各受命出二十四日乙卯賊兵乘風

鼓譟而前偏黃家渡氣喘甚文定與恩佯北致之賊爭
進趨利邢珣兵從後急擊橫貫其陣賊敗走文定恩還
兵乘之德孺連合勢夾擊賊大潰追奔十餘里擒斬二
千餘級溺水死者萬計賊氣大沮退保八字腦是日建
昌知府曾興等率兵至守仁謂九江南康宸濠不復潮廣援
兵不能達乃別遣知府陳槐合知府林城兵攻九江知
府曾興合知府周朝佐兵攻南康宸濠少御死者數百人
南康九江兵至丙辰并力合戰官兵少御死者數百人
文定急斬先退者以徇身立礮銃間火焚其鬚鬚不移
足士殊死關兵復振張及宸濠舟賊遂大敗殺溺者甚
眾退保樵舍聯舟為方陣盡出其金帛賞士文定等乃
為火攻之具邢珣擊其左徐連戴德孺擊其右余恩等
分兵四伏期火發兵合丁巳宸濠朝羣臣執其不盡力
者將斬之爭論未決官兵四集奮擊之火及宸濠副舟
賊復大潰宸濠如嬪皆赴水死將士執宸濠及其世子
郡王儀賓并偽丞相元帥等官李士實劉養正劉吉涂
欽王綸熊瓊羅璜王春吳十三凌十一葛江火信等數
百餘人被執事王時潘鵬參政陳杲布政使梁宸都指揮
使楊璋僉事王時潘鵬參政陳杲布政使梁宸都指揮
鄒文馬驥白昂等擒斬賊黨三千餘級溺水死者約三
萬棄其衣甲器仗財物與浮尸積聚橫互若洲餘賊數
百艘四散逃潰遣兵分剿破之於樵舍又破之於吳城
守仁所遣曾瑄陳槐亦攻復九江南康二郡初宸濠謀
反如妻氏泣諫不聽及宸濠被擒於檻車泣語人曰昔

紂用婦人言而亡天下我不用婦人言而亡其國守
 仁為求妻如尸葬之得宸濠交賄大小臣僚手籍悉焚
 置不問八月下詔親征方駐蹕良鄉守仁捷書至且慮
 有沿途竊發欲自獻俘闕下疏略曰臣於告變之際選
 將集兵振揚威武先收省城虛其巢穴繼戰鄱湖擊其
 情歸今宸濠已擒逆黨已獲從賊已靖聞廣赴謁軍士
 已散地方驚擾之民已定竊惟宸濠發謀之始逆料大
 駕必將親征先於沿途伏有姦黨期為博浪荆湘之謀
 今逆不旋踵遂已成擒法宜解赴闕門式昭天討然欲
 付之部下各官誠恐潛布之徒乘隙竊發或虞意外臣
 死有餘憾矣蓋時事方艱賊雖擒亂未已也奏人上屢
 檄止之令以俘候車駕至大學生梁儲蔣冕屢請回鑾
 不聽九月令以俘候車駕至大學士梁儲蔣冕屢請回鑾
 彬等謂當縱之郢湖俟上親與遇戰而後奏凱論功屢
 遣人至廣信止之郢湖俟上親與遇戰而後奏凱論功屢
 等取道由浙河以進張永不得已乘夜過玉山棧繫宸濠
 永還江西南命守仁為江西巡撫十一月張忠許泰劉暉等復
 司邢珣為布政司右參政十一月張忠許泰劉暉等復
 營內旨領京邊軍討宸濠餘黨江西北鄉餘賊復起流
 撫州志云知府陳槐集義旅討宸濠東鄉餘賊復起流
 劫州縣金銘典史李鳳禦之
 為賊所害殺官兵三百餘人

十五年庚辰秋九月上以大將軍鈞帖令巡撫江西都御

史王守仁重上捷書守仁節略前奏入江彬張忠等姓

名疏上始議北旋冬十二月賜宸濠死燔其尸餘黨至

京師磔誅之獨抑守仁功未敘明史紀事 明史王守仁傳云世宗即位趣守

仁入朝守仁前後平賊率歸功王瓊大學士楊廷和不喜大臣亦多忌其功會有言國哀未畢不宜舉宴行賞

者因拜守仁南京兵部尚書辭不赴已論功封特進光祿大夫柱國新建伯世襲歲祿一千石然不予鐵券歲

祿亦不給諸同事有功者惟吉安守伍文定至大官當上賞其他皆名不遷而陰絀之守仁不自安時已丁父

憂屢疏辭爵乞錄諸臣功咸報寢

嘉靖三年甲申九江盜起殺傷官軍彭汝實疏言操江伍

文定不卽議剿應城伯孫鉞擁兵不出俱宜切責從之

明書

五年丙戌春正月都御史潘希曾令贛州府通判董鳴鳳

指揮劉鎰等合兵討涖頭賊曾惟德王尙琦譚崇尚李

正連等失利復命同知伍佐指揮姚璽統兵繼之又檄都指揮吳山陳鑒協力進剿戰於龍南太平保中洎等處擒賊首曾惟德鬼吹角等一百七十名追至曲潭及九連山奪回被擄官員董鳴鳳擒斬賊徒四十名各賊潛竄二省

江西大志

十一年壬辰安福土寇彭正猖獗據洋澤道士嶺石巢銅坑茶平雞子寨等處參政范永鑾督兵討平之添設同知鎮守其地尋革

吉安府志

十四年壬辰分巡湖南道周相攝南贛道事延途告安遠杜柏者日以百數相至贛聞相恣橫不可捕乃佯曰柏富招怨耳碎其狀眾憤走控三院冀得轉於相柏訶知告者姓名日撥百餘人抄殺之有孫宏者懼抄及聚族

千丁自保其姻葉天序亦糾族丁千人助之潛告於相相諭曰過端午出巡爲若等理積訟宏天序歸途懼柏邀殺急投黃鄉保曾婆曾令十頭目領三千人合宏天序之眾爲一大寨曾婆者舊所稱滿總葉芳妻也夫死代領其眾柏上變告孫宏葉天序合黃鄉保賊反軍門信之發兵千三百令四指揮領赴道聽調度討宏等相親書密揭軍門白宏天序不反反者杜柏也絕不使吏人知又陽戒四指揮宣言曰柏實罪魁宏等何辜相故歎息曰如軍門之令何吏人潛告柏遂弛備相發南康至安遠乃大閱差千戶五各領旗牌一押孫宏西去里許聽理一押葉天序東去里許聽理一押滿總十頭目兵歸黃鄉保一同典史疾馳安遠諭新民出城押歸原

耕住處一選帶素與柏厚者數人諭之赴理五旗牌一時齊發柏計窮來伏庭下相曰爾既來須集眾庭鞫之械宏天序送鎮撫司監候而密具舟五十艘分載諸軍將畢忽執二犯乘夜順流歸贛柏黨千人馳至信豐聞柏已縛去各散歸遂反接柏及黃金瑋與惡僕杜龍杜

虎獻俘軍門會新道至亟杖殺四凶然後行

贛州兵寇張尚

瑗辨正云孫宏所殺黃鄉保曾婆謝志以爲滿總葉廷椿妻夫死子幼代領其眾而薛副使甲所獲賊又即廷椿相距七年豈李順不死儂志高尙在乎前正德四年周文化招降程鄉賊何積玉已而復叛知縣蔡夔擒捕之安插餘黨葉芳等謂之新民芳自號滿總則是芳死而其妻曾婆代曾婆死而芳之兄復彼猖也

十八年

己亥

流賊劉松一等六千餘眾劫掠瑞金縣陳崙

諸處知縣王鈺率義勇兵快擒之明年團溪山賊首劉操等劫掠甯都瑞金二縣鈺督兵生擒劉操等三十餘

名解赴軍門

江西大志

十九年

庚子

秋八月浮梁大水景德鎮饑民亂巡撫王暉

尋撫定之

豫章書

謝志舊案汪柏上王巡撫書云浮

又百七十年所無幸賊專意於景德鎮鎮之人眾足以相當又據險寨賊戰不利知上司來巡去耳據此則倡亂者係樂平人豫章書又云辛丑六月樂平浮梁饑民警殺考辛丑三月巡撫王暉已內升所載似未核實也

二十一年

壬寅

安遠黃鄉保新民葉廷椿作亂黃鄉離安

遠縣治二百里與廣東平遠和平龍川等處接壤中有

大帽山綿亙數百里久爲盜窟有葉芳者自程鄉入眾

七千自號滿總虔撫王守仁嘗用以平桶岡洊頭後驕

橫不受約束芳死兄廷椿領其眾肆暴尤甚副使薛甲

計擒之并其二子選葉金爲千長以撫其眾虔撫虞守

愚請於田背築城堡設巡檢司移安遠隄備之兵駐扎

其地又於長沙營羊角水堡築城防守贛州兵寇志陳章晉云王寅

十二月廣賊蔡子顯等寇贛州殺指揮斯邦爵璚泰主簿蔡思賢

二十二年癸卯冬十二月雩都官兵捕獲葉珊廖涯等二

十餘名龍南官兵獲陳英等四十三名逋寇漸次削平

江西大志

三十年辛亥冬十一月和平岑岡賊李文彪稱亂都御史

張烜討之高砂千總陳貴爵與賊通漏師賊襲執指揮

金爵及戰貴爵爲外應遂敗明年遣指揮謝勅諭降賊

乃殺貌似文彪者以紿之撤兵後偵知其僞復遣勅入

巢切責乃殺貴爵而文彪竟得逃死明書

三十四年乙卯冬十二月四川酉陽兵時調赴南直浙江道經九

江殺江西鎮撫曲禮豫章書

三十六年丁巳春三月龍南賊賴清規據下厯保以叛清規本平民素有機智嘗從征三泖有功後充本縣老人郡倅署縣事索賄不厭因逃匿踪跡之愈急聚眾拒捕遂反龍南之橫岡信豐之員魚逕腦安遠之大小石伯洪俱為所脅合岑岡賊李文彪高砂賊謝允樟號三巢而清規為雄嘯聚十年地方受其荼毒明書江寧守十一月閩廣流寇起薄甯化縣警報南豐時臨川令以潤奉御史稟謀查盤到縣因籍城中丁壯分門防守賊偏城下凡七晝夜乃遁去前後射殺賊首二人殺旗頭三人徒黨被矢石傷殘者無算夜劫營奪大旗一口飛火燒旗三口得所遺牲口什物甚多

三十八年己未春岑岡賊李文彪合下厯高砂汶龍等巢

出劫定南紀事

三十九年庚申秋八月設興安縣先是廣信弋陽縣橫峯

審鎮乃外省人民及處州礦徒流寓雜居屢爲梗擾後

設立府館添駐捕盜通判以制馭之然不過往來駐劄

而了巖寨巡檢司又無能爲歲饑缺食爭奪幾成大患

御史沈越檄廣信檢校管景往勘之景乃宣布盛德作

勸善懲惡箴以示之盜率悔過散去時縣民王庸等議

開縣治欲割上饒十里鉛山二里并弋陽十里設爲一

縣越因上疏詔部議未果行至是撫臣何遷張元冲復

以爲請從之豫章書

冬十二月閩廣賊犯江西明史本紀雩都志云嘉靖

發自會昌峽意深更必抵城下會過良蓬離失利比抵

邑向曉矣舟至東門岸上人鼓譟禦之保伍易懷淮乍

發矢斃其張赤幟者賊氣大奪乃不敢窺城趨興國入吉安界

四十年辛酉閏五月丙辰賊犯泰和殺副使汪一中指揮

王應鵬明史本紀豫章書云辛酉四月程鄉賊寇泰

執賊剖其腹副使汪一中祭之以文閏五月賊復寇泰

和殺一中及武弁三人官兵三百餘人執參議王應時

尋脫歸八月廣賊復寇江廣西十月兵部尚書楊博言江

西之寇始於南贛賊巢合廣西叛兵益以本鄉惡少遂

至蔓延前奉詔督責諸臣以九月報平今且過期不效

請更申飭仍照邊方事例半月一馳奏賊情又御史段

顧言生長邊陲素嫻方略可就委以兵事海道副使譚

綸嘗練土兵足稱智勇今以守制同籍宜合墨綬效用

以靖地方且閩廣之賊所倚重者數巢穴耳使以勁兵

乘虛搗瑕攻其必救賊必牽於內顧乃可平矣上令胡

宗憲督率進攻其必救賊必牽於內顧乃可平矣上令胡

云嘉靖辛酉巡撫胡松建三營於省城南豐撫參將碑記

諸郡鎮壓於兵備守巡諸道常駐之地各練千餘人以

為三營羽翼又請以署指揮僉事梁守愚升建撫參將

以鉛山把總屬之統轄調度制日可南康兵往征逾年賊

張連袁三等寇掠臨江等處調南康兵往征逾年賊復

自閩入江西徑趨南康連舟而下南康兵追至黃婆磯

縱火焚其戰艦斬首數十級諸酋長俱焚死南安事

考云四月流寇入嶺劫大庾知府周鏗敗之貴溪志

云辛酉七月流賊袁三卿袁等破玉山順流而下掌縣

事推官姚筐張軍備禦賊怖不敢入境十月聞廣流賊
縱火燒嶺突入邑南岡湖山焚掠一月守道楊守魯以
兵逐之至弋陽爲
參將戚繼光所殲

四十一年戊壬夏五月命都督僉事劉顯充總兵官鎮守

廣東南贛參將俞大猷副之一應戰守事宜會同督撫

官協謀剿賊仍令江西紀功御史段顧言兼覈廣東功

罪以聞世宗實錄 激水志林云四十一
年奉詔會師

建兵駐漳州江西兵駐建昌贛兵駐江
顧言駐節贛城紀功級時督撫陸繼
萬屬參將俞大猷誘賊黨郭玉鏡等
急回自保大猷計誘賊黨郭玉鏡等
饒固其地不肯予反哨奪連去連既
悉就平定豫章書云六月廣東盜平
穩巡撫江西侍郎胡松參政譚綸等
月函程鄉賊梁甯首至泰和懸示初
巨賊梁甯林朝曦徐東州等出沒贛
穩遣大猷引兵夜襲甯東州等出沒
武平伏發就擒朝曦復約河源賊首
兵乘積山無備攻巢克之斬積山首
朝曦率其黨從銀

場坑開道出改程鄉城知縣徐甫宰嚴兵待之乃計遣主簿梁惟棟招安說降其黨朝曦窮急棄巢遁追擒於陰那山并其弟朝敬等於足潮寇悉平大志云四十年一流賊張忠洪都等由閩犯廣信委千戶桑鳳守備鉛山分水關計擒巨寇百餘人論功升賞

四十二年癸亥夏四月吳百朋爲右僉都御史提督南贛

五月廣東僉事徐甫宰擒程鄉賊平之初上杭縣賊首

萬鼎堯等爲官軍所擒其黨遁入程鄉賊溫鑑梁道輝

巢中鑑等益強乃出巢窺江西平遠知縣王化擊敗之

四十一年設平遠縣治於程鄉縣之太平營隸江西贛州府趨瑞金遇嶺北道副使

李佑兵三戰皆敗奔歸程鄉故巢甫宰乘其營壘未定

急攻之擒道輝於大坑口擒鑑於沙羅塘豫章書明

云百朋以右僉都御史巡撫南贛汀漳與兩廣提督吳桂芳討平河源賊李亞元程鄉賊葉丹樓又會師破倭

海豐初廣東大埔民藍松山余大脊倡亂劫漳延興泉閒官軍擊敗之奔永春與香寮盜蘇阿普范繼祖連

兵犯德安爲都指揮狄宗元所敗僞請撫百朋亦陽罷兵而誘賊黨爲內應先後悉擒之惟三巢未下三巢者和乎李文彪據岑岡龍南謝允樟據高沙賴清規據下歷朝廷以倭患棘不討且十年文彪死子珍及江月照繼之益猖獗

四十三年

甲子

冬十一月平遠知縣王化擒田坑賊首梁

國相等於石子嶺國相本南韶故盜梁甯子先已請降至是復叛約三圖賊葛鼎榮等分寇江岡二省化先其

未發寄妻子於會昌縣身自帥鄉兵擊之賊連敗乃縱

反閒於會昌城中言化已沒化妻計氏聞之遂自刎化

追賊益急卒破擒之撫臣以聞并上計氏守節狀

豫章書

四十四年

丑

春三月賴清規等流劫信豐會昌安遠等

處官兵敗之冬十二月參將蔡汝蘭計誅逕腦賊鄧東

湖兼程進兵盡屠其黨

定南紀事

四十五年丙寅十二月南贛提督吳百朋上疏請討三巢

賊從之世宗實錄龍南紀事云丙寅夏六月都御史

招賴清規伏誅先是百朋上疏討賊知府黃辰請單騎

賴督諸命開道送歸百朋乘賊懈亟移鎮信豐檄兵備李

以平首諸賊楊梅牌斷賊右臂偏賊巢賊戰皆失利遂奪

斬甚眾縱火焚其巢賊奔樟木嶺各路人踞銅鼓嶂

復奔人羊石繞紮清規率親信五六百人踞銅鼓嶂

為龍川地昔儂智高所據為密穴者汝蘭選勁卒六千

人從間道圍守三寨自以矢石先登後又架天車為仰攻

計坐營都指揮王如澄冒矢石先登七月四日破賊

鉞寨初六日破銅鼓嶂清規計窮謀夜走胡蘆岡為隘

兵所扼反走回苦竹嶂匿茂林中副將孔宗周偵知之

領兵搜獲反清規自殺戮其屍髮長七尺下厯平高砂謝

允樟悔罪自縛詣軍門獻地乞為

編戶乃即其地建定南縣縣志

隆慶二年戊辰春以張翀為右僉都御史巡撫南贛所部

萬羊山跨湖廣福建廣東境故盜藪四方商民種藍其

聞至是盜出劫狃遣守備董龍勦之龍聲言搜山諸藍
戶大恐盜因煽之嘯聚千餘人兵部令二鎮撫臣協議
撫勦之宜久乃定

明書

萬曆三年_亥九月都御史江一麟知府葉夢熊計殲黃
鄉保賊首葉楷等黃鄉寇盤踞有年四月內保民劉載
永嚴順民等請增設縣治夢熊以告一麟曰是其眾可
攜也乃先令子弟來郡塾就學以恩深結之楷怒其背
已向官遂相讎殺又密致載永順民及尹明遂溫時選
等數人假以把總銜俾爲內應遣梁正環陳俊賴琪等
予以招降旗數十免死票三千懸賞格令伺便行事九
月一麟乃發兵分四路參將郭千東路入山勞田安遠
知縣張行可西路入由太平保定南典史張尙禮南路

入由大小石堡皆把截防其奔逸中路則贛通判徐廷
輔及贛衛千戶孫韜李賓入自黃鄉雙橋搥賊與正環
等豎立降旗眾星散無與官兵敵者楷勢孤走匿賴舍
廟兵圍之火其廟遂焚死擒斬支黨葉盛文盛科吳富
珠等俘獲家屬兒婦並黃徽牙橋大白綾旗諸違禁器
物一麟奏捷疏聞參政張士佩副使朱茹及夢熊等敘
賚有差明年立長甯縣贛州兵寇志大志云先是甲戌年賊渠李大鑾楊青山倡亂
分甯據大幽山金雞橋等處數征剿殺傷官兵甚眾
巡撫潘季馴至遣守備鄧子龍密授方略一營萬載之
紮源一營新昌之黃岡一營奉新之百丈一營靖安之
雙坑一營武甯之黃竹又密令數十騎潛入賊老
楚壘以斷賊西路子龍自督驍騎百餘人夜半入賊
營大為山賊弛備就枕火發四發皆驚潰斬首百顆焚
死者尤多餘黨果趨黎源洞遇伏兵次第就擒大鑾復
走安鄉將以楚長河為援至丁丑南昌知府王三錫知
州石漢莅任申明保甲文武協濟不旬月大鑾青山餘
黨盡擒撫臣奏請增設城堡立守備等官於大瀉山之

銅鼓石爲甯州外屏分定哨五營黎源諸洞險盡在掌
握可成內外應援長治之策明史鄧子龍傳云萬恩
初從大帥張元勳討平巨盜賴元爵已從平陳金鷺羅
紹清賊魁黃高驛逸子龍入山生獲之遷銅鼓石守備
尋擢署都指揮僉事謝志善案季馴本傳萬歷四年
夏巡撫江西明年冬召爲刑部右侍郎銅鼓石設守備
營豫章書誤載

八年庚辰夏六月龍川猴嶺賊鮑時秀叛知縣劉世懋立

四隘兵禦之定南紀事

三十年壬寅春二月饒州景德鎮民變稅監潘相舍人激

之相誣劾通判陳奇逮下獄明史紀事

三十二年甲辰劇盜陳上新大掠長甯知縣凌位詳請會

剿追至大石堡鄉勇葉佳士擒之定南紀事

三十九年辛亥大盜林保壽劉和尚劫掠大石堡邑生范

繼純擒解軍門知縣洪有觀以武功旌賞定南紀事

傳云九江南康間有柯陳二大族相傳陳友諒苗裔負固強便嘗拒捕有司議兵之應昇時爲南昌推官單騎往諭皆叩頭聽命出所匿罪人一方以定

天啟五年乙丑廣賊丁天勝掠定南縣殺鄉民胡敬泉等

後二年廣賊鄒豺子復劫伯洪保

定南紀事

崇禎元年戊辰夏四月丁未總蘇了婆邱囊計等賊數千攻安遠

城陷擄掠一空挾知縣沈堯封去邑紳富戶購銀贖歸

五月復至城中有備環攻不入焚城外民居去尋破定

南下歷執巡檢湯之訓殺僇甚多復攻圍定南署縣事

贛縣訓導嚴可象堅守不下把總董光同羊角營把總

趙龍力戰死

贛州兵寇志

二年己巳廣賊張庚子劫掠龍南境把總邵某同典史薛

澄統集千長徐棠廖尚美袁思唐等追勦至上蒙保伏

發官兵被圍邵奮鬪死之并殺徐棠袁思唐及鄉兵百

餘人

龍南紀事

四年

辛未

廣賊鍾凌秀犯瑞金有僧守宗及江向吾率兵

殺賊數十焚其營賊遁去明年賊復過瑞金守宗向吾

率義勇追之俱歿於陣丁壯死者百餘人

贛州兵寇志定南紀事

云寇鍾三舍等犯縣知縣陳日炳統領機兵鄉勇禦之三舍等一夕遁去

五年

壬申

夏四月湖廣流盜自興國州入江西泰和吉安

等處

明史紀事樂安崇仁宜黃

撫志云五月贛賊數百人從永豐入被焚掠各鄉民兵禦之殺傷相

當半月而遁贛志云五年粵賊丁葵總流劫贛吉屬邑雩都各鄉受禍甚慘贛閭二撫遣將協剿追至泰和

界賊就撫

九年

丙子

夏楚臨武山賊二百人晝入城行劫并掠鄉邨

次日乃去

安福志

十年丁丑冬十一月臨藍流賊數千自楚陷萍鄉乘勝東

下知府解經達推官陳瓚先期告急時巡撫解學龍檄

守道郭必昌巡道王庭梅各以臨吉兵會自督兵三千

爲之後未至賊抵城下掠附郭數十里城中拒守者半

月謀獲賊內應趙大春等斬之翼日省兵至因塘報失

誤遽深入反爲賊敗西北兩門雲梯並進會萍鄉知縣

程之敦以失城乞師於楚得辰兵五千人來援城始獲

全袁州府志九江兵防志云十年流寇張獻忠猖獗陷蘄黃分掠江北至德化鎮小池口游擊張繩武率

兵渡江禦之稍遏其鋒後寇大至張繩武兵寡無援力戰死

十一年戊寅春二月鉛山妖人張普微倡無爲教聚眾起

兵其黨有江義周八等衝弋貴界欲由上清抵建昌巡

撫解學龍檄守道林某推官吳鑄勦平之廣信兵變志新淦防固

志云是年以流賊充斥奉檄各縣添設義兵二百名分左右哨

十五年

壬午

廣賊閻王總剛刀總番天營豬婆總凡十餘

種流劫各縣邨落明年攻破安遠及石城諸寨

贛州兵寇志

靖安志云奉新李肅十肅七謀逆靖安劉丁九捕緝被殺遂嘯眾為紅巾賊南昌府推官胡時亨率鄉勇殺賊首李陳陽等數百人乃就撫浮梁志云壬午四月洪溪洞聚有饑民截賊掠守備夏某捕之遇害邑生計再元率十五都鄉兵搗巢斬首百餘級活擒數十人患始息

十六年

癸未

秋八月張獻忠陷長沙降賊將尹先民何一

德願効前驅進取江西獻忠悅偽封世襲伯九月賊前

鋒至袁州獻忠至萍鄉知縣棄城走萍鄉士民牛酒遠

迎賊賊陷萍鄉盡焚公廨屋廬空其城獻忠歸長沙分

兵徇分宜十月賊陷萬載陷袁州左良玉遣副總吳學

禮來援次於分宜進圍袁州偽將邱仰寔拒守都司高

山奮身先登斬賊二千四百奪馬六百擒斬仰寔復袁州時江西袁州吉安臨江人民多徙山谷官兵淫殺俘擄三郡苦之所在屯結以拒官軍巡撫郭都賢檄撤左兵回九江招土著以戍三郡官兵旣撤賊自長沙突至吉安兵備岳虞巒方閱軍於郊聞報潰走吉安諸縣同日陷賊設僞官改吉安爲親安府廬陵爲順民縣賊將張其在發僞檄馳下袁州兵民皆傾城先竄賊復入袁州良玉令馬進忠等將兵赴袁州十一月江督呂大器復吉安進忠等兵至分宜賊盡竄袁州進攻之賊開門西走追逐三十里復袁州盡誅諸僞官斬首三千級奪賊馬五百弓矢數萬是月設南贛兵三千以副總兵鄧鴻逵統之十二月獻忠遣兵陷建昌又陷撫州南豐明

年獻忠棄長沙入夔州

明史紀事 袁志云癸未秋萬

陽等與獻賊應悉眾來攻知府霍子衡知縣朱茂際嬰
城告急巡撫郭都賢移鎮袁州聞賊至旋南昌吏民竄
匿城遂空浹旬邱師乃至左帥副將吳學禮督兵五千
自潯來援賊遁班師又云十一月左帥鎮將馬進忠王
允成等督兵再復袁州左兵淫殺百倍於寇宜春化北
鄉林田石洞深遠廣闊居民避入山洞內兵以火薰之死
者千餘人分宜梁家坊居民避入毬嶺洞左兵亦以火
薰死者八百餘人由樂平往徽州統兵者以紀律不嚴
調黔兵六百餘人為賊武生倪大猷等集邑民數千人
人情洶洶咸疑為賊黔兵於西門擊殺殆盡領兵四姓
事聞署篆同知鄒文明被劾去部議賠贖馬價徧及通
邑富民又云水師副將閩人鄭鴻逵率兵造戰船於饒
州經歲始行龍南紀事云十六年密敎楊緇船於妖
言惑眾細徠係定南何氏家奴流浪數載突歸自稱遇
師指引今當彌勒下界謬以天翻地覆銅風鐵雨恐嚇
愚民必入其教始得免劫立教堂於定南縣樟田密約
於六月初一日齊赴龍華會至晚選精丁授以兵其術
云至下厯司踏勝地舉刃疾呼其城自崩至司試其術
不驗營兵發傷數人眾悉奔潰細徠欲逃他鄉廖先
宏黃時振計擒之巡道章自炳聞變馳至斬於西門示
眾斬後雷隨擊之明史左良玉傳云十六年正月良

江西通志卷九十六

王始去武昌時降將叛卒假左軍號恣剽廬州守將
 王允成爲亂首破建德劫池陽去蕪湖四十里泊舟三
 山荻港漕艘鹽船盡奪以載兵聲言諸將寄帑南京請
 以親信三千人與俱南京諸文武官及操江都御史至
 陳師江上爲守禦士民遷徙商旅不行都御史李邦華
 被召道湖口草檄告良玉以危詞動之而令安慶巡撫
 發九江庫銀十五萬兩補六月櫓軍心乃定邦華入見
 論良玉潰兵之故請歸罪於允成帝令良玉誅允成而
 獎其能定變良玉卒留允成於軍中不誅也良玉留安
 慶久之徐溯九江上獻忠破湖廣沈楚王於江坐視不
 救八月乃入武昌招徠下流阻定命副將吳學禮援袁
 州會賊陷吉州復陷袁州良玉遣馬進忠援袁州時兵
 部侍郎呂大器代侯恂爲總督恂解任中道逮下獄良
 玉知其爲已故心鞅鞅與大器齟齬賊連陷建昌諸府
 大器無兵不能救良玉亦不援進忠
 與賊戰嘉魚再失利左兵遂不振